

**IUS HAEREDITARIUM
& LEGITIMA
SUCCESSIO IN REGNO
BOHEMIAE,
FERDINANDI 2...**

Pedro Ximenez



3
I V S H A E R E D I =
tarium & legitima Successio in Regno
Bohemiae,

FERDINANDI II.
AVSTRIACI,
N V N C I M P E R A T O -
ris Augusti, & Hungariae, Bohemiaeq;
Regis potentissimi, atq; Invictis-
simi.



VIENNÆ AVSTRIÆ,
Apud Gregorium Gelbhaar, in Bursa Agni.
ANNO M. DC. XX

ISAIAE, XLI.

NE timeas, quia ego tecum sum: ne declines: quia ego DEVS tuus: confortavi te, & auxiliatus sum tibi, & suscepit te dextera Iusti mei. Ecce confundentur, & erubescunt omnes, qui pugnant adversum te: erunt quasi non sint, & peribunt Viri, qui contradicunt tibi. Quæres eos, & non invenies; Viros rebelles tuos erunt quasi non sint: & veluti consumptio homines bellantes adversum te. Quia ego Dominus DEVS tuus, apprehendens manum tuam, dicensq; tibi: Ne timeas, ego adjuvi te.

LECTORI CANDIDO,
& veritatis amanti.

IVS FERDINANDI II. hæreditarium in Bohemiæ Regnum, & legitima Successio, non opus habent defensione; quando toti Romano Imperio probata sunt: quo factum est, vt cum ante plures menses prodijisset infelix quidam partus Causarum, ob quas Factio Bohemica præsumpsisset, legitimum suum Regem, jam iuratum, & coronatum à toto Regno, per summam injuriam atq; audaciam abdicare, alio quopiam inaniter subrogato, res visa non sit refutatione digna: præsertim quod scateret convitijs, & calumnijs futilibus, quas Regis innocentissimi nota virtus per se ipsam manifestè redargueret, & auctori suo fidem abrogaret. At postquam Supposititijs ipse, in sua informatione seu declaratione nuper evulgata, non dubitat, causæ iustitiam ad satyricum illud scriptum revocare, indeq; subsidium petere: obsequendum fuit sapientis consilio, atq; respondendum calumniatori, ne sibi sapiens videatur. Tribus deformis capitibus fætus ille editus, atq; in publico expositus fuit. Unum, carebat oculis ab inscitia Iuris: alterum,

in facti veritate nutabat: tertium erat sine fronte
in calumniando.

Nam prima causa abdicationis petita est à iure
liberæ electionis, quam inscitè sibi arrogant factiosi:
Secunda obloquitur Comitiorum Regni integritati,
In quibus F E R D I N A D V S publicè susce-
ptus est: deniq; tertia comminiscitur, perjurum esse
F E R D I N A N D V M, Regniq; hostem; ac pro-
inde nec Regem esse posse. Tu modo mentem
adhibe lector: & quamvis inimicus, veritati à nobis
lucidissimè demonstratæ, facile acquiesces, facinusq;
detestabere.

PRIMA

Juratum Regem abdicandi.

QUOD NVNQVAM legitime ex more & consuetudine prisca atq; praescripto privilegiorum, in Regem Boemiae sit electus: quin nec ipse eligi: sed suscipi tantum, & coronari voluit: idq; cur fecerit, ex declaratione hujus prima, & tertiae causae liquidius apparebit. Hæc ibi ad verbum.

RESPONSIO.

QUAMVIS Ius hæreditarium FERDINANDO I anceps foret, & Bohemi hæcenus videri potuissent aliquod habere liberæ electionis: nunc certè postquam Regnum vniuersum FERDINANDO cecidit, & tanquam legitimum hæredem, ex debito, non ex arbitrio, cum suscepit: frustra disceptationem de jure electivo instaurat pars aliqua Bohemorum, non ipsum Regnum: imò & Regnum ipsum frustra nunc contenderet, postquam semel hæreditarium Ius agnouit, seq; conomi-

ne subjecit Serenissimo FERDINANDO. Verum vrgere istud non est opus, quando Ius constat liquidissimum atq; certissimum: quod extriplici capite evidentissimè demonstramus. Ex privilegijs ipsius Regni, quæ ab adversarijs proferuntur; ex usu & consuetudine perpetua, quæ ab iisdem jactatur; postremo ex Regni constitutionibus legibusq; authenticis, quas illi supprimunt.

PRIMA CONFIRMATIO
hæreditariæ Successionis ex Regni Privilegijs.

EXAMINATUR PRIVILEGIUM
Friderici II. à Carolo IV. confirmatum.

DE HOC ITA PRONUNTIANT vindices Iuris Electivi. *Sunt tria aurearum Bullarum Caesaris FRIDERICI autographa præ manu, quarum prior est data Anno 1212. Secunda 1216. Tertia 1221. (pro 1231.) quibus Electos à Statibus Reges confirmat; & clarè pronuntiat: Status Regni huius, jus & potestatem Regis pro libitu elegendi habere; quicq; ab ipsis Rex electus fuerit, regalia à se & futuris Caesaribus Romanis poscere & suscipere debere. Hi adstipulantur alia etiam Aurea Bulla Imperatoris CAROLI IV. data Anno 1376. quibus præcedentia privilegia Caesaris FRIDERICI confirmant.*

firmantur; nec non prolixius declaratur, Boëmos Jus libere eligendi Regem habere. Hæc illi.

Sanè CAROLVS IV. prolixius rem declarat, quàm ipsi voluissent: quare infra multis conantur declarationem CAROLIC ludere: sed frustra. Quod attinet ad FRIDERICI Diplomata, ex ijs primum, quod Anno Millesimo ducentesimo duodecimo datum est: à Carolo IV. ad verbum in suo Diplomate insertum est & confirmatum. Cæterum ibi Fridericus Othocari (alias Præmislat) Regis merita postquam commendasset, & illud nominatim, quod inter alios Principes specialiter, præ cæteris in Imperatorem ipsum elegisset, ista subjungit: *Sicut dilectus Patruus noster pia memoria Rex Philippus, omnium Principum habito consilio, per suum Privilegium instituit, Ipsum Regem constituimus & confirmamus, & tam Sanctam, & dignam constitutionem approbamus; Regnumq; Boëmiæ liberaliter, & absq; omni pecunia exactione, & consuetâ Curia nostre Iustitiæ sibi, suisq; Successoribus in perpetuum concedimus: volentes, ut quicumq; ab ipsis in Regem electus fuerit: ad nos & Successores nostros accedat, Regalia debito modo recepturus.* Hæc Friderici sunt verba, quibus quid, quantumq; largiatur vel Othocaro Regi, vel Regno, ex adjunctis circumstantiis dijudicandum est. Ac in primis, privilegium hoc in gratiam Othocari datum est, ut ex verbis ipsius privilegij perspicuum est; ac proinde Cæsar nequicquam voluit, Posteritati Othocari præjudicium aliquod creare, sed ornamentum plurimum asserre. Fuisset autem valde præjudicatum: si propterea Othocarus successionis jure privatus fuisset; qui providè in ejusmodi privilegium neutriquam consensisset, sed respuisset potius illud omni studio, atq; conatu, igitur existimavit: nihil sibi, aut posterorum dignitati derogare. Deinde istud minime agebatur, nec cogitabatur quidem, ut vetus forma Principatus, quoad Successores substituendi modum, immutaretur: Sed ut minus ab Imperatore dependeret, quàm hæcenus, Regum inauguratio.

Nam

Nam vsq; ad illud tempus, tametsi Principes Boëmiæ hæreditario sibi jure succederent, Regiam tamē dignitatem non proinde successionē adibant. Pauci enim, & per intervalla, extraordinario Imperatorum beneficio, Regia sunt corona donati. at deinceps omnes, eò quòd principatum adibant, inter Reges numerati sunt: modò ab Imperatore Regalia, quæ vocant, tanquam Feudatarij acciperent. Istud igitur, quod maximum est, Fridericus liberaliter concedit, ut qui Boëmiam jurè obtinet, eo ipso Rex habeatur, & sit. Utrum autem successionis jure, an electionis arbitrio obtinere Provinciam debeat, non laborat: sed rem in statu pristino relinquit. Quòd autem dicit in Diplomate: *Volentes, ut quicumq; in Regem ab ipsis electus fuerit, ad nos & Successores nostros accedat, Regalia debito modo suscepturus.* per illa verba non præscribit liberam electionis formam; sed electionē vocat, quamcumq; legitimam adeundi Regni rationem, juxta jura, consuetudinesq; antea receptas. Quorsum enim, neq; rogatus, neq; re ipsa postulante, negotium hoc sponte susceperet, præscribendi illis modum Reges subrogandi, ab eo diversum, quem hætenus observassent? relinquit ergo rem, quoad hoc, in statu suo: tantum decernit, ut eo ipso, quod quispiam sit jure Princeps Bohemiæ, sit quoq; Rex: quod hætenus nunquam habuerunt. Adde, quòd hæreditarij quoq; Principes recipi à Provincijs solent, cum in possessionem inducuntur: quæ receptio, abusive Electio dici potest. Vult igitur Fridericus, ut qui Regalia ab Imperatore suscepturus est, à regno prius sive Electus, sive Receptus sit, eo, qui juris est, modo. Et tandem per ea verba (ut plurimum detur) significari potest privilegium, cujus meminit in Aurea Bulla Carolus. ut deficiente Regia prole (ubi alioqui Regnum tanquam Feudum ad Imperatorem recideret, & conferri posset alteri cuicumque, pro libitu Imperatoris) nihilominus penes Regni Ordines sit, substituere Successorem: neq; ad Imperatorem devenisse censetur.

9.
tur. Quod profectò maximum beneficium est. Cum igitur in reliquis Imperij Principatibus, extincta Principum prosapia, jus omne cedat Imperatori, & hujus sit electio successoris: indulgetur Inclyto Bohemia Regno, ut deficiente quamvis Regio sanguine, substituere sibi possit aliunde, qui idoneus sit, ac eum Caesar confirmare debeat: quando nihil obstat singulare, cur merito repudietur. Hæc vere magna sunt, ac præclara privilegia, perpetuum jus Regni accipere, & cum feudatarium sit, feudi servitute eximi, neq; ad vnam certam familiam esse coarctatum, sed ad quamlibet extendi, quam, vna aliqua extincta, substituere Statibus Regni visum, collibitumq; fuerit. Atq; hæc est sententia celebrati privilegij, & hoc est jus liberæ Electionis, quo gloriari Status debeant. Sed quid multis opus est? Ipse semet aptè explicat Fridericus, quando alia quoq; adiciens Regi privilegia, infra subiungit: *De nostra autem liberalitatis munificentia statuimus, quod Illustris Rex prædictus (Othocarus) vel hæredes sui ad nullam Curiam nostrorum venire teneantur &c.* Quid clarius? *Et hæredes sui.* Nota bene. Si hæredes habet Regalium privilegiorum, ergo & Regni. Nam si hæredes Regni non erant, quorsum ait, ut nec ipse, nec hæredes teneantur Curiam adire Caesaris? nam adire, non nisi respectu Officij Caesari à Rege debiti, alioqui tenebantur. Ergo Fridericus, spes unica rerum, ipsis evidentissimè refragatur.

Porro, quo ad duas reliquas ejusdè Friderici Bullas (anni millesimi ducentissimi decimi sexti, & millesimi ducentissimi tricesimi primi) non privilegia sunt, sed Investituræ duorum Regum, juxta supra expositum privilegium. In quibus etiam illud pro asserta à nobis veritate facit, quod expressè profiteretur Imperator, se tanquam primogenito, post patris ejus Obitu, Regnum Bohemiæ tradere possidendum. quorsum autem istud, si Primogenitura non habet prærogativam successionis? cur tanquam primogenito? vel, si uti primogenito: ergo non tanquam arbitrario jure electo? Sed reddamus verba Friderici in Bulla anni millesimi ducentessi-

mi trigesimi primi, quâ Wenceslaum juniorem in Regem confirmat. *Tunc, inquit, Imperiale fastigium sua rutilat dignitate, cum ad Reges & Principes suo subiectos Imperio sua radios claritatis effundit, & ipsis paterna regna munifica largitione confirmat.* Nota istud: Paterna regna, sic ea vocantur, quæ jure hæreditario ad filios deveniunt. Pergit: *Hinc est igitur, quòd per presentem augustalem paginam notum esse volumus, quòd cum olim, vivente dilecto Principe nostro Othocaro, Illustri Bohemorum Rege, recepto, à dilecto Principe & affine nostro Waczlao juniori Rege filio ejus, homagio juxta morè: concesserimus, eiq; tanquam primogenito (arrige aures) de innata liberalitate nostra Regnum Bohemia post ejusdem Patris sui obitū ab imperio possidendum: attendentes, & c. pergit merita Othocari & Filij commemorare; & tandem subiicit: Concessionis dudum habita munera liberaliter prosequentes, Regnum Bohemia cum omni honore & dignitate, Civitatibus & c. Imperialis auctoritatis munimine confirmamus.*

Sed fortasse interpres Friderici, & quidem nobilissimus, Maximus atque Optimus Imperator Carolus IV. suppetias feret, & commentario suo restituet rem. Proferunt itaq; pro se Caroli IV. Bullam, anni millesimi trecentissimi decimi septimi, qua confirmat ad verbum supra commemoratū privilegium Friderici, atq; contendunt: pro se facere, dum alterius Bullam confirmat, contra se verò, confitentur, illam ipsam interpretari. Sed obsecro: quis ita stupidus est, ut literas aliquas confirmet alio sensu, quàm quo eas intelligit & interpretatur? Cùm igitur interpretatus ita sit, quòd successioni hæreditariæ in Regno Bohemiæ nihil præjudicet: quomodo potuit eas confirmare alio sensu, quasi jus successionis penitus abrogent? Igitur à vobis produci non debuerunt, ut quæ maximè vobis ipsis adversentur. Sed ita fit, ut qui præsidij destituuntur propriæ causæ, dum quævis temerè conquirunt, & corrogant, semetipsos conficiant. Verum Caroli IV. Confirmationem expendamus.

*Ad tollendum de medio omne dubium, vel obscurum, quibus dictarum
seria*

series aspergitur literarum, ut Reges Bohemia præfati, ipsiusq; Incolarum Status in sincera Imperij dilectionis perseveret concordia, & unitatem in vinculo pacis servet, &c. Electionem Regis Bohemia in casu duntaxat, & eventu, quibus de Genealogia, progenie, vel semine, aut prosapia regali Bohemia masculus, vel femella, superstes legitimus (quod DEVS avertat) nullus fuerit oriundus, vel per quemcunq; alium modum vacare contigerit dictum regnum; ad Prælatos, Duces, Principes, Barones, Nobiles & Communitatem Regni præfati, & Pertinentiarum ejusdem, &c. decernimus, pronuntiamus, interpretamur, & præsentis Scripti patrocinio declaramus: ritè, justè & legitimè in perpetuum pertinere.

Hæc ita perspicua sunt, ut nemo, qui attentè ea legerit, Carolum negaverit, manifestè sancire, solum in defectu heredis, locum esse Bohemis electioni: quin id ex Friderici mente esse planè decernit: quod etiam est à nobis supra demonstratum. Et quando dubia esset Friderici sententia, jus est Successoris illam interpretari. Sed spectemus parumper, quemadmodum se torqueant, ut se ab hoc, tam perplexo nodo, expediant. Primò dicunt. *Illæ interpretatio locum non habuit, nec observata est, nec observari debuit, aut potuit, maximè propter clausulam Aurea Bulla Imperiali annexam, quæ privilegia & consuetudines antiquæ Regnicolarum in æternum adèd roborantur, ut ne Imperiali quidem sanctione mutari possint, nedum ut privata declaratione solius Imperatoris, aut Regis Bohemia cujuscunq; hoc fieri possit, aut debeat.*

In hoc responso plura insunt. Primò: hanc interpretationem non fuisse servatam. Secundò: non potuisse, nec debuisse observari, quòd pugnet cum Aurea Bulla Imperiali. Tercio: quòd privata declaratio solius Imperatoris, aut Regis non possit officere juribus & consuetudinibus Regni in æternum roboratis per Bullam auream Imperialem. Verùm ista omnia vel levi spiritu exufflantur.

Primum quidem: quia modò non examinatur factum, & usus, de quo postea dicetur; sed jus & privilegia. Secundum est

perspicuè falsum, vt ostenderetur infra. Et quomodo est credibile, Carolum ita secum pugnare, vt in confirmatione privilegij Friderici contrarium prorsus declaret, quàm quòd in Imperiali Bulla constituit, nulla præsertim prioris facta mentione sententiæ? Nam Imperialis Bulla posterior est. Tertium verò est planè mirabile, vt Imperatori adimatur jus interpretandi priorum Cæsarum constitutiones, siue privilegia. Sed mirabilior est ratio, quæ redditur: quia, videlicet, nequit derogare privilegijs & consuetudinibus Regni. Mi homo, qui interpretatur, non derogat privilegijs antea concessis: sed declarat, quo sensu data sint. Quòd si contrariū aliquid privilegio vsurpatum est consuetudine, id saltè ex privilegio non est factum: de quo nunc disceptatur. Quatenus autem Imperator, aut Rex possit indulta semel privilegia minuere, vel abrogare, non attinet hoc loco disputare, quando non asserimus à Carolo IV. fuisse abrogatum Friderici privilegium, sed expositum, & quidem rectissimè, vt supra ostensum fuit. Quòd autem privatam vocant Imperatoris Authoritatem, qua interpretatur literas Prædecessoris sui; per hoc faciunt ipsum, ex Iurisperitis aliquem. Certè Sanctiones siue Declarationes Cæsarum Aurea Bulla obsignatæ, non sunt privata commentaria, sed maximè publicæ, siue Constitutiones, siue Leges. Neque advertunt: si declaratio illa tollatur, nihil penitus à Carolo confirmari, quod ipsos concernat: quando Friderici Diploma de Iure Regis eligendi non aliter vult intelligi, vel esse ratum, nisi cum Regni hæres legitimus defuerit. Sed ecce, dum Cæsari ipsi detrahunt interpretandi auctoritatem: arrogant sibi met, & declaratoriam declaratoriæ condunt; Caroli declarationem vel pervertendo, vel abrogando. Quod si facere eis licet, vt pro arbitratu admittant, vel reiiciant ex Cæsaris Diplomatis hoc, aut illud; dum, quòd ad aliqua ipsis contraria, infirmant illorum auctoritatem: pari jure cætera redduntur inania, atq; adeò ipsorum privilegia ijsdem contenta.

Sed viderunt, parum se probabilia asferre: proinde glossèma alterum adijciunt, in hæc verba:

De-

Deinde, etiamsi id fieri potuisset: extendi tamen nequit ultra prosapiam ejusdem Caesaris Caroli à Domo Luxemburgica oriundi; puta duos ejus filios, Wenceslaum & Sigismundum: qui ambo existentes Caesares Romani, & Reges Bohemi, sine hæredibus decesserunt, relictæ unica tantum à Sigismundo filia Elizabetha, quæ Alberto Archiduci Austria matrimonio juncta fuit, & filium ei peperit Ladislaum.

In hac evasione duo sunt, quæ merentur censuram. Prius est, quòd Caroli declarationem ad prosapiam tantum ipsius pertinuisse dicant: cum vniversè Cæsar loquatur, nulla prorsus prosapiæ suæ facta mentione: ait enim: (vt verba illius iterum necessario repetamus) *Electionem Regis Bohemiae in casu duntaxat & eventu, quibus de Genealogia, progenie, vel semine, aut prosapia regali Bohemia masculus vel femella superstes nullus fuerit oriundus, vel per quemcunq; alium modum vacare contigerit dictum Regnum, &c.* Vbi observanda præcipuè illa duo verba, *In casu duntaxat*, quorum perspicua vis ea est; non competere Bohemis Ius Electionis, nisi prorsus nullo existente ex Regali prosapia Bohemiae, sive masculino, sive femina: non inquit, ex prosapia Carolina: quo pacto planè declarat: Regnum esse hæreditarium: vt postquam aliquis (in tali defectu hæredum) legitimè fuerit à Statibus electus: qui ex ejus deinceps prosapia fuerint, debeant omninò succedere: neq; fas sit aliunde Regem sumere, nisi istis prorsus omnibus è vita decedentibus.

Posterior virgula notandum illud est, quòd affirmant: mortuo Ladislao, potuisse Bohemicos Status, vi privilegiorum, elegisse Podiebradium. Nam si Caroli confirmatio, vt ipsi eam restringunt, ipsius saltem prosapiæ concedit ius Regni, quamdiu aliquis ex alterutro sexu extiterit superstes; cum superessent tunc duæ Sorores Ladislai: clarum est, vi privilegiorum, non potuisse,

Regem aliunde sumi; contraq; privilegia, Georgium fuisse electum.

EXPENDITVR BULLA

Aurea Caroli IV. pro Iure Successionis.



Xhae etiam tueri se conantur, in hæc verba: *Confirmatur hoc etiam per Auream Bullam ejusdem Imperatoris Caroli IV. quam universo Romano Imperio dedit: in qua de omnibus septem Electoribus Imperij, quod cujuscvis sit officium, & quorum Principatus ad Imperium devolvantur, cap. 7. sic statutum est: Si vero aliquem ex hujusmodi Principatibus eorum, Imperio sacro vacare contingeret: tunc Imperator, seu Rex Romanorum, qui pro tempore fuerit, de ipso providere debebit, & poterit, tanquam de re, ad se, & Imperium legitime devoluta: salvis tamen semper Privilegijs, Iuribus, & Constitutionibus Regni nostri Bohemia super Electione Regis in casu Vacationis, per Regnicolas, qui jus habent eligendi Regem, faciendi juxta continentia eorundem privilegiorum, & observatam consuetudinem diuturnam à Divis Romanorum Imperatoribus sive Regibus obtentorum: quibus ex hujusmodi sanctione Imperiali in nullo præjudicare volumus: imò ipsa decernimus nunc, & perpetuis futuris temporibus in omni suo tenore & forma indubiam tenere roborâ firmitatem.*

Locus iste, in quo putant se vitam habere, mirum, quàm manifestè eos revincit: ut si nihil præterea suppeteret, & ad eam diem Status Bohemiæ semper vsi fuissent Electionis libertate: ex hoc certè tempore, vi hujus Constitutionis, omni penitus carerent, Duo decernit Imperator, & Electoratum Sæcularium Principum esse hæreditarium; & quis, cum hæres nullus suppetit, sufficiens sit. In priori comprehendit disertissime omnes Electores sæculares, atq; ipsum nominatim Bohemiæ Regem. Postea, subjungit ista.

Ne inter eorundem Principum sæcularium Electorum filios super Jure, voce, & potestate præfata futuris temporibus scandalorum & dissensionum

*nonum possit materia suscitari, & sic bonum commune periculosi dilatio-
nibus impediri, futuris, auctore D E O, cupientes periculis salubriter eb-
viare: Statuimus & imperiali auctoritate, presenti Lege perpetuis tempo-
ribus valitura, decernimus: ut postquam iidem Principes Electores secu-
lares, & eorum quilibet esse desierit: Jus, vox, & potestas Electionis hujus-
modi ad filium suum primogenitum legitimum Laicum; illo autem non
existente, ad ejusdem primogeniti primogenitum, similiter Laicum, & sine
contradictione cuiuspiam devoluatur.*

Quæro jam, utrum ista Sanctio ad Bohemum Electorem per-
tineat, nec ne? si pertinet: ergo filij & reliqui deinceps hæreditario
jure sunt Electores. atqui esse nequeunt, nisi Regnum quoq; ipsū
illis hæreditarium sit: nam Electoratus à Regno disjungi non po-
test. Et verò conveniebat maximè, ut Electoratus in sæcularibus
esset familiæ decus: nam in Ecclesiasticis Principibus prohibe-
bat Status, qui non gignit hæredes. Quòd si Carolus volebat, ex-
ceptum Bohemiæ Regem; vel si hunc non esse hæreditarium exi-
stimasset: non adnumerasset illum reliquis Sæcularibus, de qui-
bus constituebat; vel nominatim excepisset: cum contra nomina-
tim illum cæteris adnumeret, & similiter de eo statuat. Quare
ex ista Constitutione evidens efficitur: Regnum Bohemiæ ex illo
tempore esse hæreditarium: qualecunq; ante fuisset. Quin etiam
consequitur: fuisse quoq; prius tale; & pro indubitato id ab Impe-
ratore supponi: quia nec novare quicquam circa hoc volebat; ac, si
voluisset: utiq; significasset diserte, se id facere; factiq; sui rationem
vir prudentissimus reddidisset. Neq; porro Bohemi facile admi-
sissent, ut prætextu Electoratus Jus ipsis libera adimeretur Electio-
nis. Hæc tam clara apertaque sunt, ut qui ea non videt, nihil vi-
deat.

Cæterum, hanc totam illius Capitis 7. vel tituli potius partem
dissimulanter prætermittunt. Sed pejus est, quòd, quam pro se
producunt audacter, perinde ipsos jugulat. Nam declarat Cæsar:
si aliquem ex prædictis Electoralibus Principatibus vacare con-

tingat, tunc ad Casarem devolui; qui de ipso, inquit, providere debet, & poterit tanquam de re ad se, & Imperium legitime devoluta. Hic jam primum excipit Bohemiarum Regnum, cuius privilegium (videlicet à Friderico II. concessum, & à se antea confirmatum) ratum esse vult, *super Electione Regis, in casu vacationis per Regnicolas, qui Ius habent eligendi Regem Bohemiae.* In casu, inquit, Vacationis; Vacationem autem vocaverat, non quæ fit, Principe aliquo decedente: (quia nec est vera Vacatio, cum eo ipso hæres succedat) sed, quæ penitus hæres omnis extinguitur, Iusque ad Feudi Dominum reverteritur. Nam in eo excipit Bohemum, in quo alios Principatus onerat, ut deficiente stirpe sint caduci: Regnum autem Bohemiarum, jure Electionis accipiat tunc à Statibus Successorem. Atque hoc est, quod in expositione privilegij Friderici supra notavimus; & quo solo gloriari Ordines Bohemiarum jure possunt. Nam si plus Carolus in hac posteriore Sanctionis parte Bohemis daret: sibi met in priore contrarius foret; sed id tantum ipsis concedit, quod negat cæteris Electoribus.

Ex dictis jam colligimus unum, valde nobis in posterum profuturum: quod in tali casu Vacationis, qui à Bohemis in Regem eligitur, sicut eo ipso fit Elector, accedente Confirmatione Caesaris: ita simul hæreditarium Ius acquirit in Regnum; non aliter, ac qui post Vacationem Principatus, ab Imperatore investitur, & Princeps fit hæreditarius & Elector. Etenim (ut supra demonstratum est) Electoratus est hæreditarius; ac proinde etiam sive Principatus, sive Regnum, cum quo est nexu indissolubili copulatus, ut alterum sine altero esse nunquam possit. Itaque tam est certum: Bohemiarum Regnum esse hæreditarium; quam est certum: illud esse Electorale: ut planè cecutiant, qui; cum hoc affirmant: alterum pernegant. Et debuisset Elector Bohemus ad numerari Ecclesiasticis Electoribus in ratione ac modo successionis, non verò Sacularibus; si quemadmodum Ecclesiastici libera subrogantur Electione, ita etiam Rex Bohemiarum institueretur. Hactenus de privilegijs; alterum sequitur caput de Facto, & usu vel Successionis, vel Electionis.

Secunda Confirmatio

HÆREDITARIÆ SUC-
cessionis, ex facto vsuq; perpetuo.

DE hac re illi ita definiunt. *Sciendum est, gentem Bohemam ab illo statim tempore, ex quo Regio culta est, & habitata fuit, semper ius liberè eligendi Principes habuisse, idq; ab ipsis longa serie temporum ita observatum fuisse: ut non ex historijs tantum, sed ex privilegijs alijsq; documentis abundè liquet. ita illi.*

Confirmatio hæc, à prima consuetudine petitur: quæ, an fuerit perpetua, nec ne, non satis declarant: imò pugnantia videntur affirmare. Nam primò dicunt: *semper ius liberè eligendi Principes habuisse*: moxq; subjungunt: *idq; ab ipsis longa serie temporum ita observatum fuisse*. Longa, inquam, quasi non semper facilitatum fuerit. Sed nimirum conciliare dicta sua possunt hoc modo: Ius quidem habuisse eos semper; vsum autem, longum quidem, tamen non perpetuum. Quod si nec istud quidem velint, at se, longam seriem vocare, quæ fuerit perpetua. equidem, vt sua ipsi verba, vt placet, interpretentur, per Nos licet. Porro neq; Ius, neque vsum fuisse semper, immò nunquam; ex Historijs, ad quas nos remittunt, non est difficile demonstrare. quò magis mirum est, authorem hujus Tractatus ad Historias provocare. Quare, venit in mentem suspicari: hunc Tractatum haud fuisse publicè recognitum, & approbatum; sed à quopiam Advocato temerè congestum. Sive igitur ille, quisquis est, ignorantia laboraverit historiarum; sive malicia contra mentem, scientiamq; suam locutus sit, nostrâ non interest. Nos hanc sive Ignorantiam, sive malitiam, perspicue ex indicatis ab eo fontibus redarguemus, atq; convincemus. Sed vt agatur clarius, distinguemus duo tempora: Alterū ab ipso penè gentis Bohemæ exordio, quousq; proles mascula defecit Aviti sanguinis: Alterum ex quo per foeminas ejusdem sangu-

guinis propagatus est Bohemiæ Principatus, cum jam Regnum
existeret, vsq; ad FERDINANDVM II.

PRIMÆVA CONSVETV- do hæreditariæ Successionis.



Erum Bohemitarum Scriptores narrant: post Cze-
chum, Principatus Bohemiæ Conditorem, absq; libe-
ris defunctum, cum aliquandiu popularis Status non
satis feliciter procederet, ad Crocum Virum probatū
publico suffragio Principatum fuisse delatum: postq; illius mor-
tem, Lybussam, ejus vnam, ex tribus, filiam, præstigijs nobilem, &
ingeniosam, Patri fuisse suffectam: sed mox facti subeunte poeni-
tentia, adactam illam, vt Virum sibi deligeret, qui publicam rem
administraret. Atque illa maritum sibi quidem delegit auspica-
tō, Premislaum, ab aratro sumptum; at non revera Principem,
cum illa nihilominus clavum rexerit. Ab isto Przemislai Lybus-
sæq; continubio propagati sunt Principes Bohemi, nunquam in-
terrupta serie, & quidem virili, vsq; ad Premislaum Othocarum,
cui Privilegium à Friderico datum esse Regni, supra commemo-
ravimus: quin ab hoc ipso Othocaro vsq; ad Wenceslaum illum,
qui Iuditham filiam Rudolphi I. Imperatoris Austriaci vxorem,
duxit: ex qua genuit Wenceslaum juniorem: qui sine posteris à
sicario interfectus, postremus fuit Bohemiæ Princeps, paterno
sanguine à Przemislao. I. procreatus. Nam deinceps per femi-
nas ejusdem sanguinis Regia dignitas in posteros transmitti cæ-
pit. Iam verò (vt narrationem hanc vniversam ad institutum no-
strum revocemus) constat luce clarius, à Przemislai Filio ad Wen-
ceslaum, de quo diximus, qui ex Iuditha Austriaca natus est, Suc-
cessionem, non Electionem propagatos esse Principes, Regesq; Bohe-
miæ, non secus ac in quovis alio Imperij Principatu; ac liberrimè
vnumquemq; Principem dixisse suos hæredes, nemine contradi-
cente

cente, obtentu libera Electionis. Vbi nam igitur illa est prisca, consuetudo? Vbi series eorum, quos liberis suffragiis suffecerunt? & an non tam constans familiae vnus in solio perseverantia, aperte convincit: non fuisse locum liberae Electioni? quæ cum est; & quolibet Principe decedente, suffragari licet alijs pro arbitratu; nec vitari schismata possunt: & videre est complures extraneos candidatos, qui Principatum publicè ambiant, sibiq; deferri postulent. qualia cum in serie Principum non deprehendantur; & si quæ extiterint, dissidia, inter ipsos, qui de Protopia erant Principū, agitata sint: profecto. (modo pertinacia absit) nemo sanus inficiabitur: Bohemicum Principatum per secula priora non Electivum, sed hæreditarium extitisse.

Quod ut apertius constet, subiiciamus hoc loco Catalogum Principum, qui jam ab initio Principatum jure sanguinis adierunt, ex Historia Bohemica Ioannis Dubravij Episcopi Olomucensis; & Wenceslai Hajeki, &c.

- I. CZECHVS, Gentis Conditor, quo absq; liberis defuncto, subrogatus est suffragio populari
- II. CROCVS, Anno Christi. 670. qui cum tres filias reliquisset, suffecta est Patri
- III. LYBVSSA, Anno, 710. Sed perta si muliebri Imperium, Lybussam coëgere, virum accipere, fuit autem ab ea delectus.
- IV. PRZEMISLAVS, Anno. 722. ex quo & Lybussa deinceps propagati sunt Principes Bohemi. neq; tam ex Plebiscito, aut Lege, quàm vsu ipso & consuetudine recepta & continuata factus est hæreditarius Principatus: vsq; adeò, ut cum hæredes essent jam tunc hebetes, & parum apti: nihilominus respectu sanguinis succederent. qualis omninò fuit Przemislai & Libussæ filius.

- V. NEZAMISLIVS**, Anno. 745. Huic Successit Filius
- VI. MNATHA**, Anno. 783. Huic item Filius
- VII. VOVENVS**, Anno. 804. Huic Filius natu major
- VIII. KRESOMISLIVS**, Anno. 832. alio nomine Vnslaus, (etsi hic Dubravio est diversus) Huic filius
- IX. NECLAN**, Anno. 852. Huic Filius natu major.
- X. HOSTIVITVS**, Anno. 873. Huic Filius
- XI. BORIVOIVS**, Primus Christianus Princeps, Anno. 890. Hic causa Religionis Christianæ vexatus à Bohemis, voluntarium sibi elegit exilium in Moraviam. & quòd sine Principe Respublica detrimentum pateretur, habitis Comitibus, accersitus est ex Bavaria Stoimirus ab Hostivito Principe olim relegatus: sed mox rejectus; & vnde venerat, remissus est: qui proinde Successionem sanguinis interrupisse non est censendus: præsertim revocato postmodum Borivoio, & dignitati suæ restituto. Qui adhuc superstes, quòd liberius pietati operam daret, accitis Ordinibus, Principatum filio natu majori tradidit. Is fuit
- XII. SPITIGNEVS**, Anno. 905. Huic brevi defuncto, Patre adhuc vivente & volente, successit frater
- XIII. WRATISLAVS**, Anno. 907. Huic filius sanctissimus
- XIV. WENCESLAVS**, Anno. 921. qui Regiam dignitatem, ab Otthone Imperatore delatam, usurpare detrectavit. Iure tamen Rex fuit, & pro felici Bohemici Regni auspicio Primus meritò numerandus. huic Successit fratercida
- XV. BOLESLAVS**, Sævus appellatus, Anno. 929. Huic filius natu minor (quòd Strachikwas major Ratibonæ monachum professus esset.)

- B O -

- XVI.** BOLESŁAVS, Pius dictus, Anno. 967. Huic filius cognominis
- XVII.** BOLESŁAVS, Anno. 999. qui luminibus privatus cessit filio majori adhuc vivens principatu. Is fuit
- XVIII.** IAROMIRVS, Anno. 1003. Hunc excæcavit frater, eidemq; successit
- XIX.** VDALRICVS, Anno. 1004. Huic primogenitus
- XX.** BRETISŁAVS, Anno. 1037. Huic item major filius
- XXI.** SPITIGNEVS, Anno. 1055. Huic frater ætate proxim⁹
- XXII.** WRATISŁAVS, Anno. 1061. Hic ab Henrico IV. Imperatore Rex creatus, primus, factō ipso, Regem gessit. Bretislao autem primogenito, ob contumaciam, posthabito, vivens coram Ordinibus Successorem sibi designavit Conradum fratrem. Sed Regius deinceps honor ac titulus ad annos. 60. interruptus fuit.
- XXIII.** CONRADVS, Anno. 1093. hæreditatem adiit. Huic brevi defuncto successit Wratislai Regis filius (qui à Patre fuerat exclusus)
- XXIV.** BRETISŁAVS, Anno. 1093. Huic frater Successit ab ipso met designatus
- XXV.** BORIVOIVS, Anno. 1100. Hunc Regno expulit Suatoplucus, ex Ottone, Bretislai I. filio, natus, & principatum arripuit
- XXVI.** SVATOPLVCVS, Anno. 1107. Huic rursum Successit ex filiis Wratislai Regis
- XXVII.** WLADISŁAVS, Anno. 1109. Hic, Præterito Orthone fratre majori, designavit Successorem alterum minorem, is fuit
- XXVIII.** SOBIESŁAVS, Anno. 1125. Hic vicem rependens, ex filiis Wladislai dixit hæredem Wladislaum.

- XXIX. WLADISLAVS II**, Anno. 1140. Postea Rex à Friderico Imperatore Barbarossa creatus. II. Bohemiae Rex. Sed post ipsum denuò interregnum fuit. Porro Wladislaus adhuc vivens, administrationem Friderico filio tradidit.
- XXX. FRIDERICVS**, Anno. 1173. Hunc intervertit Vdalricus Sobieslai Principis filius, & Wratislai Regis Nepos.
- XXXI. VDALRICVS**, Anno. 1174. qui mox cessit Fratri majori Sobieslao.
- XXXII. SOBIESLAVS** verò II. Anno eodem. 1174. Princeps factus. Sed hunc restitutus Fridericus deiecit. Friderico defuncto Successit
- XXXIII. CONRADVS**, Leopoldi Znoimensis filius, Anno. 1182. quo peste extincto,
- XXXIV. WENCESLAVS**, Othonis Nigri filius, Anno. 1191. pro Principatu cum Premislao Wratislai Regis filio contendit: sed Wenceslao interfecto, & Premislao excluso, pro bono Pacis rogatu Procerum Successit
- XXXV. HENRICVS** Wladislai filius, & Wladislai Regis frater, ex Episcopo Pragensi factus Princeps, Anno. 1191. Hic Republica laudabiliter administrata, Egram secessit, Regni curam Ordinibus commendans, vbi brevi decessit. Ex Wladislai Regis filijs, Wladislao & Premislao (quod senior tunc ignotus exularet apud Ratisbonam in Latomijs) praelatus est
- XXXVI. WLADISLAVS**, Anno. 1197. qui postmodum Premislao seniori cessit principatum.
- XXXVII. PREMISLAVS**, dictus Othocarus Wladislai Regis Filius, Anno. 1197. à Philippo Imperatore manu propria coronatus Moguntiae in conventu Principum,
- III. Rex Bohemiae**, ex quo Regia Dignitas continuata est;

est; & ipse Wenceslaum filium adhuc puerum coronavit:

XXXVIII. WENCESLAUS, Premislai filius, & ipse Othocarus nominatus, ac Rex IV. Bohemiæ, Anno. 1231. Huic item Successit filius

XXXIX. OTHOCARUS, ita simpliciter nominatus, cognomentum Avi quasi proprium sortitus; alioqui Premislaus Othocarus, V. Rex, Anno. 1254. Successit ei filius;

XL. WENCESLAUS, VI. Rex, Anno. 1284. qui ex Iuditha Rudolphi I. Imperatoris filia suscepit filium, Wenceslaum Iuniorem appellatum:

XLI. WENCESLAUS Iunior, VII. Rex: ultimus Bohemiæ Princeps ex posteritate Virili Premislai I. Sed duæ illius Sorores Anna & Elizabetha fuere superstites.

Iam in ista Principum serie sunt aliqua observanda. Primò: quòd Successio penes eundem sanguinem stetit absq; vlla Regni contradictione, vel prætensione libera Electionis.

Secundò: quòd unusquisque Princeps proximum sibi filium vel fratrem dixit heredem, ut sit in hereditaria Successione: & qui sic dictus fuisset, semper est pro legitimo receptus: nisi cum vis à cognatis ipsis intervenit.

Tertio: quòd ipsa subinde inter Cognatos dissidia, & mutuæ contentiones certo argumento sunt, principatum fuisse hereditarium: quòd cum quisq; tanquam sibi debitum, non suffragio Electionis, sed prærogativa Successionis vendicaret.

Vnde Regnum, quomocunq; illi inter se dissentirent, obnoxium se suis Principibus agnoscebat: nec per occasionem dissidentium, licet inde multum incommodi pateretur, tentavit unquam, sese in libertatem asserere; jusq; subrogandi Successores, ad se transferre. Tam erat fixum ratumq; Successionem jure hereditario ad illius Prosapie Principes pertinere.

H Æ-

HÆREDITARIA SV C- cessio Domus Lucemburgica.



Posteaquam Hæres Masculus, primævi Principum Bohemiarum sanguinis defecit, ex faminis ejusdem Prosapiae propagati sunt Reges Bohemiarum: & nunquam Is Thronus caruit avito Principum sanguine, nisi cum Georgius Podiebradius illum occupavit, de quo suo loco dicetur. Vnde factum est, ut externæ Principum familiæ in sanguinis Sceptriq; communionem adscitæ sint. Lucemburgica primum, deinde Austriaca, tertio loco Polonica, & iterum Austriaca. Igitur de Lucemburgica primo dicendum. Wenceslaus Rex Pater illius interempti, in quo virilis sterit propago, duas quoq; filias suscepit ex Iuditha Rudolphi I. filia, Annam, & Elizabetham: ex quibus Anna Henrico Carinthiæ Principi cum nupsisset, mortuo fratre Wenceslao, hæreditatem Regni adiit cum Viro suo Henrico. Nam (quod lib. 10. narrat Dubravius) ambæ Sorores, Anna videlicet Henrici vxor, & Elizabetha nondum cuiquam desponsæ, Comitum ingressæ, orant, sui haberi rationem: ne velut alienæ à Regno prætereantur. Ita ad Henricum propter Annam regimen tunc defertur. Porro non inficias juerim, disceptari tunc ab Ordinibus potuisse, deberentne famina succedere: cum is casus in eo Principatu tunc se primum offerret. Caterum in utraq; Sorore id Regni Proceres secuti sunt, quod magis erat naturali juri consentaneum: idemq; usu & auctoritate Cæsarea, Regiaq; sancitum, atq; in Regni jura Legesq; transcriptum est. Iam, ut ad Annam & Henricum ejus maritum revertamur. Is, quod confirmationem ab Imperatore Henrico VII. Lucemburgensi in tempore non perivisset: (is scilicet prætextus quasitus fuit) Principatu exutus est: successa autem Elizabetha nati minor Wenceslai Regis filia: cui Ioannes Cæsaris Henrici filius ab ipsomet parente, Proceribus Regni

gni Bohemiae flagitantibus, maritus datus est, ex quo matrimonio Carolus IV. & Wenceslaus illius filius, & hujus frater Sigismundus eodem ordine sibi in Regno Bohemiae hereditario jure Successerunt. De quo Iure Carolus Rex, quid senserit, & quam serio illud assenserit, ex illius Diplomate, quo Friderici privilegium confirmavit, ac ex Aurea Bulla plus satis intellectum est. Illius verò filij inter se Ius Regni sibi cesserunt; non secus, ac vulgares homines de agro, aut re quapiam hereditaria faciunt. Extat enim Diploma Sigismundi jam tunc Hungariae Regis, ubi Ius Regni Bohemiae Ioanni minori fratri cedit, in hæc verba.

Sigismundus DEI Gratia Rex Hungarorum, &c. Quia pridem Serenissimo Principi Domino Wenceslao Romanorum Regi semper Augusto, & Bohemiae Regi Illustri, fratri nostro charissimo, bona & sufficienti deliberatione prahabita; specialiter propter singularis amoris affectum, quem ad Illustrẽ Principem Dominum Ioannem Ducem Gorlicensem & Marchionem Lusatia fratrem nostrum charissimum nativa quadam inclinatione tenemus, ad ejus etiam honores & profectus augendos ex vinculo sanguinis obligamur; scientes indulsimus, annuimus, consensimus, & plenam ac omnimodam facultatem, potestatem, & libertatẽ concessimus, & donavimus: ut ipse insigne Regnum Bohemia, & ejusdem Regni Coronam, (in quo nobis ex donatione paterna ac Successionis ordine, tanquam post dictum Dominum Wenceslaum fratrem nostrum, Seniori Divi Imperatoris nostri filio (in casu, quo ipsum, quod absit, legitimis hæredibus non relictis præmori contingeret, plenum jus competit Succedendi) uni nostrum, videlicet inter nos & præfatum Dominum Ducem Ioannem, qui sibi ex nobis magis placuerit, & ad quem propria & speciali ex affectione ac libera voluntate trahetur sine alterius ex Nobis, & signanter Nostri, reclamatione, & renitentia aliquali in vita, vel in morte, quomodo vel quando sibi placuerit dare, donare, legare; & eundem ex Nobis, cui legaverit seu dederit Regnum præfatum, coronari facere, & subjectionem & fidelitatem quorumvis subjectorum Regni Bohemia sibi fieri, disponere, & ordinare valeat, atq; possit: pro ut hoc ipsum in alijs nostra Majestatis literis dicto Domino Wenceslao fra-

D

tri

tri Nostro datū de super sufficientiū continetur. Idcirco in casu, quo ipse Frater noster Dominus Wenceslaus Romanorum Rex in vita vel in morte prefato fratri Nostro Domino Duci Ioanni Regnum Bohemia predictum concederet, vel donaret, & non Nobis: ex tunc vos omnes in genere, & vestrum quemlibet in specie, animo deliberato & de certa scientia, ac nostra libera voluntate, de omnibus & singulis promissionibus, juramentis Nobis factis, quibus nobis ex fide facta, vel alias quomodolibet, ex Successionis ordine siue jure astricti tenemini quocummodo, absolvimus, liberos dicimus, & dimittimus, ac tenore presentium penitus liberamus. Mandantes vobis viriute presentium seriose: Quatenus, si, ut premittitur, dictus Dominus Wenceslaus dicto Domino Duci Regnum Bohemia concederet, vel donaret: quod ex tunc ad eundem Dominum Ducem Ioannem, ad quem vos ex nunc, pro ut ex tunc transducimus, tanquam verum naturalem & Ordinarium Dominum vestrum, & haeredes suos legitimos, & nullum alium respectum habere, & eidem fidelitatem, juramenta, & subjectionem facere, & parere ac obedire modis omnibus debeatis, &c. Datum Sempster, Anno Domini, millesimo trecentesimo Octuagesimo Octavo, die tertia mensis Iunii.

Successit nihilominus Sigismundus ipse, à quo Pragenfes cum nonnullis seditiosis tempore tumultuum Ziscovianorum, dum ferro & rapinis univrsum Regnum Bohemia vastaretur, cum descivissent, & Moravos aliosq; Status incorporatarum Provinciarum ad defectionem sollicitassent: pro responso ab illis acceperunt: (quale utinam modò etiam dedissent) non posse se, absque dispendio honoris & bonae famae, à Rege suo legitimo & hereditario deficere. Accùm Pragenfes nihilominus ausi fuissent, filium Vitoldi Ducis Lychuania Koributum in Regem eligere: illi tamen Electioni, Status Baronum & Nobilium adversati sunt ea ex causa, quod à Rege hereditario jam recepto, & coronato discedere fas non esset. Demùm Pragenfes ipsimet Koributum in carcerem detruserunt, & loco aureae coronae, probrosa veste inducum, & cucullo inverso coronatum Regno cum infamia

expulerunt. Tandem post multas calamitates, & devastationes Regni, quas experti sunt, errorem suum cognoscentes, iterum ad obedientiam Regis sui Sigismundi redierunt. Qui cum unicam haberet filiam Elizabetham, Albertum Austriacum (postea etiam Imperatorem) sibi generum adscivit, adoptavit filium, hæredem constituit: idq; totum Ordines probaverunt. Atq; ita Domui Luxemburgicæ Successit Austriaca in Regni hæreditate, per uxorem: sicut illa prius illud obtinuerat, & hæreditarium sibi fecerat.

P R I M A S V C C E S S I O hæreditaria Domus Austriacæ.

Mortuo Alberto Imperatore, Rege Bohemiæ, cum Bohemi elegerent pro Rege Albertum Ducem Baviaræ: is juste & sapienter illam Electionem tanquam invalidam in præjudicium hæredis legitimi, atq; divino & humano jure damnatam (Roc. lib. 7. Annal.) recusavit. Postmodum hanc Electionem Moravi Bohemis exprobraverunt, pro manifesta in Regem suum perfidia & rebellionem, ut docent acta Comitiorum ejus temporis. Successit itaq; Alberto Patri Ladislaus tanquam hæres; sed eo brevi, non absque suspitione veneni, communi Europæ luctu, sanctissimè vitâ functo, tertio ad feminas reditum est. Habuit enim Sorores duas Ladislaus, Annam & Elizabetham, quarum major Duci Saxonie Guiljelmo, minor Casimiro Poloniæ Regi ex familia Jagellonica matrimonio junctæ erant. Verùm ambæ per ambitionem Georgij Podiebradij exclusæ fuerunt: atque ita tunc primùm, & solum tunc, Regale Bohemiæ solum penitus caruit primævo Principum sanguine. ex quo isti argumentantur pro jure liberæ Electionis, in hunc modum.

Posteaquam vero dictus Ladislaus defunctus est, Status Bohemiæ vi privilegiorum suorum, Regem sibi elegerunt, qui neq; è Domo Austriacæ,

neq; Lucemburgica oriundus fuit, Georgium nimirum Podiebradium: Cui facto non tantum Domus Austriaca locum dedit, sed etiam Fridericus Caesar ejus nominis III. caput tum temporis Domus Austriacæ & Imperator Romanus, prædicto Georgio Regi Privilegia Regni Bohemia confirmavit. Ut Confirmatio illa Anno millesimo quadringentesimo quinquagesimo nono, illustri est documento. Unde facile apparet: à memorata clausula Confirmationi Caroli IV. inserta, planè discessum esse, adeoq; Regnum Bohemia ad nullam certam familiam fuisse ligatum.

Hæc Confirmatio pugnantiâ prorsus asserit. nam ait: post Ladislaum, *Vi privilegiorum suorum Successorem sibi elegerunt*; Et contra insert: *Apparet à memorata clausula Confirmationi Caroli IV. inserta, planè discessum esse.* Nam si à Caroli declaratione privilegiorum discessum est: utique, vi privilegiorum non potuerunt sibi eligere Successorem. Privilegia enim tantum valent: quantum eis defert supremi Principis auctoritas, & interpretatio.

Deinde, quæro: an jure discessum sit à Caroli declaratione? Si minus: utiq; Podiebradij Electio contra Ius & fas peracta est: non ex privilegio. sin autem jure discessum est: ostendant, quo jure. nam Caroli declaratio vim suam habebat, quoad saltem contraria consuetudine non fuerat ipsi derogatum. Porro ante Georgium, tale non præcesserat exemplum. Menebat igitur sua auctoritas Caroli Sanctioni, & perperam ab illa est discessum. Quod etiam atque etiam confirmat ipse Electionis modus. Nam cum Legati adessent Competitorum, quibus jus esse aliquod poterat ad Regnum; Friderici primum Imperatoris Austriaci; qui ex veteri cum Bohemis pacto, non tam sibi, quàm aut fratri, aut patrueli Regnum petebat; Deinde Casimiri Poloniae Regis, & Guilielmi Saxoniae Principis: quorum Casimirus minorem Ladislai Sorem; Guilielmus majorem in uxorem habebat: studiosè cavito Georgius, ne audirentur, priusquam Electio facta esset. (nempe ne æquitati foret locus) cumq; in templum ante Electionem Ordines supplicatum convenissent, vehementi Rokezani oratione;

per

per tumultum Georgio acclamatum est. quem, tamen neque Moravi neque Silesij pro Rege vnquam agno verunt. At investit Georgium Fridericus. Fecit pacis bono. Et quia domesticis cinctus periculis, vicini Regis ope indigebat: quam aliquando etiam expertus est. Quanquam tunc Austriacorum Ius ad Regnum non vrgebat: cum duæ Ladislai defuncti Regis superessent Sorores, Polono & Saxoni nuptæ: ad quarum potius alteram ex sanguine hæreditas pertinebat. Atque ita factum, vt defuncto Podiebradio Wladislaus Casimiri filius ex Elizabethe juniore Ladislai sorore ad Regnum accerferetur. sicq; Regius sanguis ex parte matris reponeretur in avito Regni solio. Fixum itaque maneat: Podiebradij Electionem toleratam fuisse magis, quam probatam: quippe extra juris ordinem.

SUCCESSIO HÆREDITARIA Wladislai ex Regibus Polonia.

DEfuncto Podiebradio, qui legitimam Successionem interceperat, per injuriam exclusis Ladislai sororibus: rectè atq; ordine Wladislaus Casimiri Poloniae Regis filius ex Elisabetha Ladislai Sorore, in Regem Bohemiae assumptus fuit: quod ex Regum Bohemiae sanguine à matre oriundus esset. Nunc videndum, quemadmodum ea familia jus Regni pro hæditario habuerit, & ad posteros transmiserit. Ad adversarij quidem non dubitant, ab hoc perinde Wladislai exemplo argumentari; atque ab ipsius Podiebradij: cum nulla penitus vel species paritatis sit. quandoquidem Georgius purus purus extra Regiū sanguinē extiterit: Wladislaus autem ex matre à prisca Bohemiae Principib; Regibusq; descenderit. Sed est, quod in Wladislao ipso premit: quod is de Regno quasi hæditario constituerit. Nam peculiaribus literis disponit, vt postquam Ludovi-

eius filius jam sit in Regem coronatus, si absque heredibus de-
 cedat, Ducissa Anna illius Soror, Regni haeres existat; & in gratia
 Regnorum Hungariae & Bohemiae debeant liberis ita educari, ut
 utriusque gentis linguas addiscant. Amplius promittit Bohe-
 mia Ordinibus: siquidem Anna in eodem Regno haeres est: illam
 absque Consilio scituque Regni, se cuiuspiam non desponsurum. Ac
 ne Wladislaus arbitratu suo decernere de hereditaria Regni suc-
 cessione existimetur, illa in primis verba Diplomatis adnotanda
 sunt: *Et cum vigore iurium & immunitatum, & privilegiorum Regni
 Bohemiae, si suam Serenitatem Regem Ludovicum Dominum D e r s sine
 heredibus per mortem advocaret: (quem D e r s custodire dignetur) tunc
 Filia nostra Ducissa Anna mansura esset vera Haeres Regni Bohemiae: haec
 omnia attendentes, &c.* Vide quemadmodum profiteatur vigore iu-
 rium, & immunitatum, & privilegiorum Regni Bohemiae, fami-
 nas etiam esse Regni haeres. Atque haec ipsa litera pro aeterna le-
 ge à Statibus recepta, & inter Constitutiones relata sunt.

Ad hoc, inquit, ita respondetur: *Posteaquam semel à
 memorata clausula, quam Imperator Carolus IV. sua privilegiorum con-
 firmationi inseruit, planè discessum est, & Ordines Bohemia libera Electio-
 ne sunt usi, ut supra adducta exempla id pluribus comprobant: quod nimi-
 què Domus Austriaca in Regno Bohemia hereditario non Successerit, unde
 nec in Regis Wladislai potestate posita fuit, per dispositionem suam sine Con-
 silijs, & contra consensum Statuum filiam suam heredem Regni in praedictis
 privilegiorum constituere, ita ut non patris sed fratris in regno haeres esset.*

Iterum replicant, quod discessum jam sit à Caroli IV. clausu-
 la sive Declaratione: idque exemplis constare. At discessum es-
 se, contra fac: & unicum exemplum Georgij tumultuarie intru-
 sum, nequius puri haeredum praedicare; quod & statim fuit
 correctum, editio Wladislao regij Bohemiae sanguinis ex matre,
 plus satis supra confirmatum est. Però inserta illa verba. *Quod
 nimirum Domus Austriaca in Regno Bohemia hereditario non Successerit:*
 non apparet, quorsum pertineant. Nam de jure Austriaco pro illo

rem-

tempore non est modo controversia. Iam conclusio illa: *Vnde nec in potestate Wladislai fuit, &c.* confutatis principijs, sponte corruit. Nam constat, non esse contra privilegia, sed ex vigore iurium & immunitatū & privilegiorū Regni Bohemic, ut idem ipse Wladislaus palam profiteretur, neutiquam reclamantibus, ut falsò dicitur, sed approbantibus Regni Ordinibus. Et quomodo sine approbatione fecit, quādo polliceri ipsis debuit, ut postquam Anna hæres foret, non locaretur matrimonio, Statibus inconsultis? Agno-verunt ergo illam pro hærede.

Quòd autem non patris, sed fratris hæredem dici reprehendunt, ambiguum est. nam paterni quidem Regni hæres fit; sed casu tantum, quod frater absque hærede alio decedat. In quo nihil subest mysterij, vel novitatis. Quòd denique subiiciunt: Serenissimum FERDINANDVM I. nullo respectu Annæ, fuisse in Regnum liberrimè electum, id paulopost examinabitur.

SECUNDA SVCCESIO Hereditaria Domus Austriacæ à FERDI- NANDO I. ad II.



Ic est FERDINANDVS, qui post Albertum Austriacum fasces Bohemicos postliminiò in Domum suam retulit. Adversus quem novi Zelatores libertatis opponunt duo: atque contendunt: FERDINANDVM I. non causā vxoris, sed mera Ordinum voluntate in Regno successisse. Deinde non ita successisse, ut posteris ipsius ex hereditate debeatur Regnum, sed ex gratuita solum liberalitate eis fuerit hæc cæus delatum.

Pro priori asserto, non afferunt aliud, quàm quòd Regnum non sit hereditarij Iuris: ac si quando fuerit, jam sit per Podiebradium & Wladislaum Reges ei consuetudini derogatum: quæ-
cum

cum futilia esse jam suprà ostenderimus, actum agunt. Ac in **FERDINANDI** literis Reversalibus præcipuam spem locant, à qua facile deiciuntur. Ac primò quidem affirmamus: ex illis ipsis literis maximum creari causæ ipsorum præjudicium. Nam si tales literæ in ipsa admissione ad Regnum, & coronatione Regis expressæ, dignæ postea judicatæ sunt totius Regni suffragio, ut retractarentur; id sanè plus est, & valet pro **FERDINANDI** jure cōtra prætensā privilegia aliquorū Bohemorū: quàm si ab ipso statim initio posteriores literæ Reversales datæ fuissent. Revocatio enim dictorum, manifesta est confessio, quòd se aliter res habeat.

Sed tenebrio, inquiunt, aliquis post novendecim annos, ex quo priores Reversales à **FERDINANDO** datæ fuerant, demum anno millesimo quingentesimo quadagesimo quinto irrupit in Tabulas Regni; atque ad marginem illarum literarum adnotavit, eas esse retractatas. Id ita confirmant. 1. quia in Diætâ ejus anni, & in propositione Regia nulla fit mentio mutationis Reversalium. 2. quia ad marginem prædictam notatur: literas posteriores **FERDINANDI** reperiri infra eodem Codice; cum in eo non sint, verùm in alio separato. 3. Quia posteriores dissentiant à prioribus, & pugnant cum privilegijs: quia vrgent Caroli IV. Confirmationem, & Wladislai dispositionem: à quibus jam discessum fuerat. 4. Quia idcirco studiosè occultata hæcenus fuerunt privilegia: ne talia in lucem prodirent. 5. Quia **FERDINANDVS** Imperator satis intellexit: Regnum non esse hæreditarium. Vnde anno millesimo quingentesimo quadagesimo nono, à Statibus petijt, ut Maximilianus ejus Primogenitus à morte Patris Rex esse posset. Hæ profectò telæ non irretient vel culicem quidem. Vniuersè respondetur: si detur, tam facile corrumpi posse Tabulas Regni: actum est de illarum auctoritate, ac fide. Nam, si in re omnium gravissima, de ipso jure Regni & successionis, irrepfit in eas depravatio, & supposititiæ ab Imperatore Reversales falsò in eas relatæ sunt: quid in illis certum firmumq; potest.

rest existimari? Porro, vel Cæsare conscio id factum est, vel eo minime iubente. Injussu, nemo attentaverit, nullâ sui Principis gratiâ, summum adire periculum. At jussisse Cæsarem, & Eum: voluisseque falsarium fieri publicarum Tabularum, quibus omnis stat fides: id verò nefarium est, vel cogitare. Præterea: nunquid etiam à quopiam tenebrione falsata erunt publicæ Regni leges, & constitutiones, quæ manibus terupitur, & ex quibus Jus Iustitiæque administratur: quoniam in illis eadem passim reperiuntur; & ibidem Reversales FERDINANDI posteriores, tanquam, norma & regula Successionis proponuntur? quarum verba in, tertia confirmatione referentur. Iam ad objecta singula respondendum. Ad primum. Quanti demum refert, quod non commemorentur illic posteriores Reversales: quando in Regni Constitutionibus sæpe mentio fit illarum; & ut dictum est, pro norma proponuntur? & quacunque id ratione acciderit, certe in Comitibus anni millesimi quingentesimi quadragesimi septimi, & mentio illarum fit; & pro jure & lege ab Ordinibus suscipiuntur.

Ad 2. Quale hoc est argumentum, ad tam solidam labefactandam veritatem? Debuerant ambo Codices simul compingi: sed, quia crescebant in majus, separati remanserunt.

Ad 3. Idcirco priores revocatae sunt, quod juribus Regni minus consentirent: quare posteriores debuerunt esse diversæ. neque aliter sunt diversæ, quam, quod mentio in posterioribus fit ejus juris, quod Anna FERDINANDI vxor ad Regnum hæreditarium habuerat, quodq; in prioribus fuerat prætermissum: Cum privilegijs autem nullo modo pugnant, ut satis ostensum est. Et quænam sunt ista privilegia? Friderici certè, & Caroli pro nobis stant. Et quem isti jactant vsum contrarium, toties Podiebradium suum ingerentes? Nam Wladislaus jus habuit Regni à matre: & quando tunc discessum fuisset à jure pristino: an non reditum est, quando ex illo tempore pro vno illo, quinque præstantissimi Reges è Domo Austriaca clavum Bohemici Regni magna,

E

gloria

gloria per annos centum hæreditaria Successione tenuerunt?

Ad 4. Nescio quas latebras obijciunt: quando præmanibus habent Constitutiones Regni, in quibus eadem omnia jam olim legisse potuerunt.

Ad 5. Quid FERDINANDVS senserit, satis apparuit, cum priores Reversales, re melius perspecta, voluit esse retractas; quæ & in publicis Comitijis Anno millesimo quingentesimo quadagesimo quinto, voluntate & assensu Statuū sunt ipsi restituta; pro quibus dedit alias: vbi astituit ex Caroli IV. privilegio & Wladislai dispositione, ad vxorem suam Annam, vti hæredem, Regnum fuisse devolutū: idq; à Statibus etiam agnitum. quas literas ex integro semel recitasse opere pretium fuerit: sic autē habent.

Nos FERDINANDVS, DEI Gratia, Romanus Rex, semper Aug. &c. Notum facimus his literis Vniuersis postquam ex destinatione & permissione DEI Omnipotentis, Anno millesimo quingentesimo vigesimo sexto, die Decollationis S. Ioannis Baptista calamitosa res accidit: quod Serenissimus Princeps & Dominus Ludovicus, Hungariae & Bohemia Rex, Frater, & Affinis noster charissimus, pro defensione & Fidei Christianae, & conservatione Regnorum, Provinciarum, & subditorum suorum fidelium dilectorum, militando contra hæreditarium & crudelissimum hostem totius Christianitatis Turcam, sine hæredibus è viris excessit; & hoc pacto Regnum Bohemiae, & alia adherentes Provinciae, vtpote Marchionatus Moravia, Ducatus Silesia, superior & inferior Marchionatus Lusatie cū omnibus & singulis superioritatibus, dominijs, & libertatibus ad illos spectantibus, ad Serenissimam Ducissam & Dominam Annam Romanorum, Hungariae, & Bohemia Reginam, Conjugem nostram Charissimam, tanquam ad germanam Sororem superscripti Regis Ludovici, inclytæ memorie, & veram ac genuinam hæredem vigore libertatum, privilegiorum, & Constitutionum Imperatoris Caroli IV. iuste devolutum, quemadmodum illa Majestates suas hoc in se continent, & comprehendunt: si ex Regia Prosapia & Stemmata Masculei & feminei sexus legitime procreatis, nemo superstes esset. quod libera electio Regis Bohemia Statibus ejusdem Regni,

gni, & Provincijs ad illud pertinentibus, & non aliter competeret: quarum litterarum Imperatoris Caroli datum Praga Anno millesimo trecentesimo quadragesimo octavo, Indictione prima, septimo Idus Aprilis, & Regnorum anno secundo. Et pariter literis & Reverfalibus Regis Wladislai Domini Patris nostri Charissimi, laudabilis memorie, expresse hoc insertum est: si Dominus D E U S Regem Ludovicum sine heredibus per mortem advocaret, quod juxta jura, Constitutiones, libertates, & privilegia Regni Bohemia, Regina Anna, Conjux nostra dilectissima, Vera haeres Regni Bohemiae permansura esset: quarum litterarum datum in Arce Pragensi feria sexta post Sanctorum trium Regum Anno millesimo quingentesimo decimo, & Regnorum Hungariae vicesimo, & Bohemiae tricesimo octavo.

Idcirco, Status dicti Regni Bohemiae memoratam Conjugem nostram Charissimam, tanquam veram Haredem & Reginam hujus Regni, juxta tenorem ejusdem Regni Iurium, Constitutionum, & libertatum humiliter recognoverunt, & receperunt. Et personam Nostram, post uxorem nostram, veluti veram haredem, in Regem & Dominum suum ex sua libera & bona voluntate elegerunt, & receperunt. Quam Ordinum promptitudinem, & personam nostram in Regem Electionem, & receptionem, dictis Statibus, heredibus, & successoribus nostris, eorum omni clementia nostra Regia cum heredibus, & Successoribus prosequemur, & compensabimus. Data in Arce nostra Pragensi feria tertia post D. Egidij Anno a Nativitate filij D E I millesimo quingentesimo quadragesimo quinto, Et nostrorum Regnorum, Romani decimo quinto, & aliorum decimo nono.

Ideo autem, quoad suam personam, profitetur, se, ex libera voluntate electum, quod Ius hereditarium, non suum esset, sed Annæ vxoris: ipse autem recipi approbatione Regni debuerit. Quoniam verò occasione belli, quod cum Ioanne Friderico Saxoniae gestum fuit, factis conventiculis, articulos aliquot in prejudicium Regis concluderunt, inter quos fuit vnus: ne iuramentum heredibus Regis præsteretur; & ne, vivente Rege, heredes coronentur, addentes causam, præjudicare hoc liberæ Electioni, quam sibi de jure competere asseverabant: FERDINANDVS sedatis

is tumultibus, Anno millesimo quingentesimo quadragésimo septimo, Comitia publica Statibus indixit, ac de iniquitate horum articulorum conquestus est; & tandem in istdem Comitij decreto fuit, vt Status Regni Bohemiae in posterum se gerant erga haeredes suae Majestatis secundum tenorem Aureae Bullae Caroli IV. Imperatoris, Dispositionis Wladislai, & Reversalium suae Majestatis Anni millesimi quingentesimi quadragésimi quinti. Et ita haec tria, ex conventionione Statuum cum sua Majestate, posita sunt pro norma, & fundamento successionis. quod vt in posterum pro lege habeatur, pluribus in locis inter constitutiones Regni insertum est. sed reddamus hic verba ipsorum Comitiorum.

Posteaquam S. R. Majestas Statibus id quod attinet suae Regiae Majestatis Haeredes propositum voluit: Siquidem Caesaris Caroli IV. gloriose recordationis Aurea Bulla, & Regis Wladislai gloriose memoria Literae Majestates, similiter suae Regiae Majestatis Reversales Statibus traditae, quarum datum in Arce Pragensi die Mercurij post S. Aegidij diem, anni M. D. XLV. quomodo se istud Regnum erga haeredes suae Regiae Majestatis gerere debeat, clare continent: in eo omnes res Status pariter convenerunt, & statuerunt; permanendum esse apud ipsam Auream Bullam, & Majestates literas, ac Reversales: ita quod juxta jam memoratam Bullam auream, Majestatis literas, & Reversales erga Suae Majestatis Haeredes, & non aliter se gerere debeant.

Sed opponunt, vrgentq; importunè: FERDINANDI I. Posteros fuisse libera Electione Ordinum susceptos: nempe Serenissimos Reges Maximilianum II. Rudolphum II. quod inde confirmant: quia FERDINANDVS pro Maximiliano primogenito; Hic pro Rudolpho item natu maximo; & hic pro Fratre Matthia preces suas interposuerunt: vt reciperentur in Reges, & coronâ insignirentur. Quid porro petere opus fuit, si jure succedebant: sat fuerat, ab ipsis Parentibus declarari haeredes. Addè, quod ab illis sic Electis, datae Reversales sunt Regni Ordinibus.

Arqui

Atqui petere, nihil præjudicat juri acquisito, quia etiam, cum jus est certum, facto ipsi possunt obijci difficultates. quod accidere quotidie videmus: atque in Dominis Bohemis etiam experimur. Nam si Regem, quamvis ab ipsis juratum, & coronatum, tam leviter rejiciunt: quid sperandum fuerat, si nec receptus quidem fuisset? & quanto boni Domini pretio nunc redimerent, ut FERDINANDVS non fuisset aliquando admissus, nedum coronatus? certè minori infamia repudiari ab eis modò potuisset. Igitur quòd jus suum aliquis modeste petat, ac etiam pro obtinendo roget: non est novum, & sæpè necessarium; & factitatum passim etiam à Regibus, quos constat esse hæreditarios. Nam quidam quàm libenter vsurpant alienum, tam reddunt inviti. Itaque firmari Regni Successionem demissione animi, ac demereri ita, subditos, nihil derogat hæreditati jure debita: imò id fit prudenter, quando maxime non desunt homines inquieti Juribus tuis insidiantes. Sæpè Dominus rogando exprimit obsequia à servo. & interest, ut ille non tantum ea præster, sed ut propensa etiam, obsequendi voluntate. Hinc est quòd Wladislaus in sua dispositione Regni, cum profiteatur suos liberos esse hæredes, tamen dicit: Ludovicum filium à Statibus bona & liberà voluntate receptum, coronatumque fuisse. Libera inquam, non ut opponitur debita; sed quâ id etiam, quod debitum est promptè atque ex animo facimus, nam coactè facere, servile est: sed facere ita promptè, ac si non debeas, ingenuum.

Quòd autem jactant: Reversales à prædictis Regibus datas; miror, ex illis non fuisse aliquid productum, unde constaret: recognovisse Reges illos non debitò, sed gratuito se fuisse receptos. quale siquid fuisset: haud dubie boni isti Domini proclamassent. Sed quid audacius, quàm, affirmare: FERDINANDVM I. filio suo Maximiliano obtinuisse precario Successionem; quando ille pro hæreditaria asserenda tam diligenter laboravit, & evicit, atque inter Constitutiones Regni pro æterna lege de consensu

Ordinum æternum sancivit? Adde, quòd in Codicillo ad hanc rem condito, testatum reliquerit hoc ipsum jus hæreditarium. v. ridiculum sit affirmare, illum aliter filio suo Regnum obvenire voluisse. Et verò quâ fieri poterat, ut FERDINANDVM II. (quod ipsi fatentur in prima causa) eligi nolentem, sed recipi in usitato exemplo admitterent, si priores Reges libera & gratuita Electione suscepti fuissent? Ac si Reversales aliorum id continebant: quomodo à FERDINANDO II. similes non sunt petita? Sed libet verba Codicilli FERDINANDI ex Germanico reddita, hîc apponere;

Non possumus intermittere ex paterno & fideli amore, quin nostros caros filios certiores faciamus; quod Nos ante aliquot annos circa initia Regiminis nostri Bobemici ad diligentem instantiam statum Regni nostri Bobemici, & ex ignorantia veri fundamenti, ejusdem Regni Statibus publicum & conscriptum testimonium dederimus: quòd Nos ex libera voluntate in Regem suum elegerint, & acceptaverint; sed elapso tempore: cum lustraremus nostri Regni Privilegia & Statuta; & inter cætera maxime prædecessoris Nostri defuncti Casaris Caroli IV. Bullam: dilucide apprehendimus, quòd nostrum Regnum Bobemia, quamdiu supersunt ex Regio sanguine sive masculi, sive femina, non pertineat ad Electionem Statuum; sed cadat in superstites Regij sanguinis personas. Inde cum ejusdem Regni Bobemia Statibus effecimus, ut supradictum testimonium & recognitionem nobis reddant; & recognoscant, quòd Regnum hoc non per Electionem, sed per legitimam hæreditatem & successionem ad Carissimam nostram Conjugem, honoratam & felicis memoria, tanquam hæreditariam Reginam & Dominam transferit, & per illam ad Nos derivatum sit. Quæ omnia Dilectionibus vestris pro bono & commodo significanda duximus, ut secundum ea vos dirigatis.

Ter-

32

Tertia Confirmatio

HÆREDITARIÆ SVCCES-
sionis, ex Regni Constitutionibus.

A. I.

IN Titulo, de Electione Regis. *Quandocunq; res eò deven-*
nerit, ut vigore privilegiorum hujus Regni, videlicet Aurea
Bulle Cesaris Caroli IV. Regis Wladislai Dispositionis, mo-
derniq; Regis (FERDINANDI) Domini nostri Rever-
salium super hoc Statibus elargitarum, Rex Bohemia eligendus esset: Tunc
eligi debet ita, prout antiquitus fuerat observatum, & quidem in arce Pra-
gensi.

B. XX.

Si autem omnes tres Status de Rege, re eò deducta, vigore privilegiorum,
nempe Aurea Bulla Caroli IV. Dispositionis Wladislai gloriosa memo-
ria, Reversalium Suae Regiae Majestatis literarum super hoc Statibus elar-
gitarum, consenserint, & Regem elegerint. Tunc Burgravij Carlsteinen-
ses debent illi Electo Regi post coronationem, Arcem, Coronam, & Clenodia
cedere: mandato illis ab omnibus Statibus facto, prout superius scribitur.

ITEM IN TITULO DE
Iudicio Regni; quomodo, & quando ob-
servari debeat?

Iudicium Regni absq; ullis impedimentis progressum suum habeat,
& duret; Et si interea Rex, ex permissione Divina absq; haredi-
bus de hac vita decesserit, vigore Privilegiorum hujus Regni, ni-
mirum Aurea Bulla Cesaris Caroli IV. Dispositionis Regis Wladislai glo-
riosa

40
riose memorie, & Reversalium Regia Majestatis super hoc Statibus clar-
gitarum: aut quamvis heredes extiterint, nihilominus continuo Iudicium
Regni procedat & duret.

Hactenus in constitutionibus Regni, quæ, auctoritatis quan-
tæ sint, ex conclusione illarum intelligitur, in qua ita habetur, in
Titulo.

CONCLUSIO CONSTI- tutionum Regni.

Z. I I.

Barones & Nobiles Iudicium Regni aliq; Iudicia ita observa-
re, ac judicare debent, qualiter Iuramentum præstiterint su-
per hæc Constitutiones Provinciales, prout antiquitus obser-
vatum fuit, justumq; esse cognoverint. Et ibi poterit qui-
libet apud illud iudicium allegare præjudicatum pro sua causa: pro ut anti-
quitus observatum fuit; & secundum formam harum Constitutionum,
quæ in hoc jure conscripta sunt, quilibet vindicare actionem debet, post sen-
tentiam; & post iudicium de contumacia latum, executionem urgere: &
qualiter ea fieri debeant, Constitutiones normam præfigunt.

Item Z. I V.

Cum voluntate Regia Majestatis in Comitij Publicis Principes,
Barones, & Ordo Equestris, quæ scripta hisce in Constitutionibus
de Tabulis insinuatum, pro jure habenda definiuerunt, & confir-
marunt. Ea quidem à nullo homine absq; scitu Regia Majestatis, votoq;
Baronum & Ordinis Equestris infringi debent; Barones enim cum Eque-
stri Ordine semper illam voluntatem, ac libertatem habebant cum volun-
tate Regia Majestatis in Comitij publicis, legibus suis addere, vel demere.
Et adhuc uterq; Status hanc sibi libertatem reservat, in quamcunq; rem isti
duo Status in Comitij publicis consenserint, Legibus suis cū voluntate Re-
gia Majestatis addere, vel demere.

Cate-

41
Ceterum, cum tam clara aperta; sint Constitutiones, Com-
mentario non egent. Diserte enim sancitur, vt juxta Auream
Bullam Caroli IV. & Wladislai Regis Dispositionem procedatur.
Per vtriusque autem Diploma constat, etiam faminas esse Regni
hæredes. Additur etiam: juxta moderni Regis Domini nostri
Reversales, nimirum FERDINANDI I. quas tamen ipsi
Tenebrione quopiam volunt esse suppositas: cum inter Authen-
ticas Regni leges referantur. Et illud quoque observatu perutile
est, quod Constitutiones Regni Electionem passim nominant: ta-
met si hæreditarij Domini, Receptionem: vt minus etiam mirum
sit, quod Fridericus II. in suo Diplomate eadem voce abusus fue-
rit, vt illic adnotavimus. Hactenus ex iure Regni, quod, vel solum
sufficeret.

Subijciamus quoque formulas Iurisjurandi, quo se Regni Of-
ficiales Regi, & Regno obstringunt: quæ inter ipsas etiam Consti-
tutiones recensentur. Nam & illæ disertissimum Testimonium
perhibent, quod ad Hæredes Successio pertineat.

Juramentum

SVPREMI BURGRAVII Regni Bohemiæ.

B. III.

I VRO Domino DEO, Omnibus Sanctis, Serenissimo Prin-
cipi ac Domino, Domino FERDINANDO, Romanorum,
Vngaria, Bohemia, &c. Regi, &c. tanquam Regi Bohemia, &
Sua Regia Majestatis Heredibus, vel qui tandem Rex esset,
&c. Omnibus Dominis, Equestri Ordini, & universe Regni Bohemia
Communitati, Diviti, & Pauperi, in hoc, ad quod vocatus sum, Officio su-
premi Burgraviatus Pragensis, Veritati patrocinari, & injuriam damna-

F

re.

re. Et hoc neq; propter gratiam, neque propter disgratiam, neq; propter ullam rem aliam. Sic me DEVS adjuvet, & omnes Sancti.

Juramentum

BURGRAVIORVM Karlsteinensium.

B. VIII.



BRAMVS Domino DEO, Omnibus Sanctis, Serenissimo Principi ac Domino, Domino FERDINANDO, Romanorum, Vngaria, Bohemia, &c. Regi, &c. tanquam Regi Bohemia, & Suae Majestatis Haredibus legitime à sua Majestate provenientiibus: & omnibus Dominis, Equestri Ordini, Nobilibus, & uniuersa Communitati Regni Bohemia, &c. Quòd istam arcem Karlsteinensem cum Corona, & omnibus Privilegijs ac Klenodijs Regni, quae nobis tanquam Burgravijs à Sua Regia Majestate, & Dominis, Nobilibus, & uniuersa Communitate, Regni Bohemiae concredita sunt, fideliter, ac diligenter seruare debemus, & rectè cum his omnibus agere, Suae Regia Majestati, ejusq; Haredibus, & uniuerso Regno. Quòd si DEVS permitteret, vt Rex ac Dominus noster absq; Haredibus moreretur: tunc Arcem Karlsteinensem nulli debemus cedere, neq; Coronam tradere: sed cum Domini, Ordo Equestris, & tota Communitas Regni, B. pari voluntate de Rege consentirent, eumq; ipso facto eligerent, & pro Domino acceptarent ita, vt antiquitus fiebat, juxta consuetudinem, jus, & Privilegia Regni, B. Tunc mox & quamprimum debemus, & promittimus, Coronam absque vlla repugnantia Dominis, & Equestri Ordini, ac uniuersae Communitati tradere: nihil ad id nobis in auxilium acceptando, quod humana ratione excogitari possit. Post Coronationem vero, quòd cunq; moneremur, debemus etiam Regi futuro Karlsteinium in potestatem tradere. Quid si nos ita non geramus (quòd DEVS auertat) siue in toto, siue in parte: agnoscimus, quòd id ageremus (vel

42
43
(vel patraremus) contra nostrum honorem: ipsum honorem, vitam, & sac-
cultates nostras perdituri, nullo unquam tempore in aeternum ad ea resti-
tuendi. Sic Nos *DEVS* adjuvet, & omnes Sancti.

Juramentum

CAPITANEI ARCIS Pragensis.

B. VII.

I VRO Domino DEO, Omnibus Sanctis, Serenissimo Principi ac
Domino, Domino FERDINANDO, Romanorum, Vngaricae,
Bohemiae, &c. Regi, &c. tanquam Regi Bohemiae, & Suae Regiae Ma-
jestatis Haeredibus; Omnibus Dominis, & Nobilibus, ac Vniuersa Commu-
nitati Regni Bohemiae: quod in hoc Officio, ad quod vocatus sum, scilicet
Capitaneus Arcis Pragensis, fideliter & recte me gerere, Eandem Ar-
cem fideliter & recte curare: sua Regia Majestate me in hoc dirigere volo.
Quod si permissu DEI vita decedret Rex absque Haeredibus, (quod
DEVS avertat) tunc, quod me cum hac Arce Pragensi nemine dirigere,
neq. ad vllum alium respectum habere debeam, nisi ad Summum Burgra-
uium Pragensem. Sic me DEVS adjuvet, & omnes Sancti.

Cernis, quemadmodum praecipui Regni Officiales, cum Re-
gi, cum Haeredibus fidelitatem promittant? Et erunt, qui disputa-
re audeant, immò contendere: Regni Bohemiae nullos esse haere-
des: id quod, an ignoratione Regni Iurium, an perturbatione po-
tius animi faciant: alij statuunt. Sperandum autem est; re tam
perspicue demonstrata, & in publicum semel producta: nec ipsos
in posterum refragaturos: quando non amplius imponere vul-
go poterunt, nec verò ipsi volent protervia no-
tam incurere.

Epilogus

A D P R I M A M Causam.



Ibet jam, iuvatq; Dictorum summa capita paucis colligere, ac velut in exigua tabella tibi, O Inclyta Bohemia, spectanda proponere.

Iam inde à primo fere exordio tui Principatus, ad illum vsq; Wenceslaum, qui Iuditham Rudolphi I. Imperatoris filiam accepit vxorem, Bohemicorum Principum sanguis absque interruptione per viros semper felicissime propagatus est. In huius autem Wenceslai filio, item Wenceslao, stetit propago, & per faminas deinceps manare perexit. Ex quo tempore tres Familia Nobilissima, velut in truncum Regium insita fuerunt, atque in sanguinis Sceptriue communionem adscita: Luxemburgica: Austriaca: Polonica. Porro singula tamdiu Sceptrum tenuerunt, quamdiu ex illis Proles extitit: qua deficiente, rursus altera adscita est familia per sanguinis Connubium eodem iure. Hinc evenit, ut à Przemislao I. ad FERDINANDVM II. qui modo oppugnatur, Clarissimus Bohemiae Principum, Regumque sanguis, rara felicitate permanaverit.

Nunc, te appello, Inclyta Bohemia! age, compone morus animi, & æquabili tranquillitate mecum expende: quidnam tibi, vel ad vsum vtilius, vel ad nomen clarius, vel ad debiti Officii partes magis necessarium sit: Vtrumne limpidiissimos latices perenni cursu defluentes per tot atatum Principes, ac Reges, à Solio, Regnoque tuo, intereisis Canalibus avertere? proq; viva, & experta bonitatis aqua, novas tibi cisternas effodere? an potius iuxta ripam huius quasi fluminis amoenissimi, qui lætificat Regnum Vniuersum, placide considerare, & optata pace, bonisque omnibus affluere? Ad vtilitatem, quod attinet, initia & progressus docent, quam

quàm tibi hæc prævaricatio cladem allatura sit, si pergas desipere. Gloriam verò nominis amittes omnem, dum Innocuum Sanguinem & Avitum vi, armisque persequeris, ac delere paras. De æquitatis debito, quid dicam? Certè, ubi nulla etiam suppetere Hæreditatis jura, promeruit abs te tantum Regius Sanguis, qui in vna adhuc Austriaca familia conservatur: ut ipsum à possessione tam antiqua non ejicias, & exulare velis.

Quòd si te nec Honestas movet: cogat Iustitia, quæ istud à te severissimè requirit. Oñsum enim supra fuit: quoad stetit Virilis Propago, absque controversia Principatum ad hæredes semper fuisse devolutum. Postea verò per Connubia Regij sanguinis faminarum, instauratam fuisse Successionem; & qui externi Principes eo pacto adsciti sunt in Sceptri societatem: jure deinceps hereditario ad posteros suos Coronam Regiam transmisisse. Id Ioannes ex Lucemburgica Domo fecit: id Albertus ex Austriaca: id Wladislaus ex Polonica: id FERDINANDVS iterum ex Austriaca, qui id etiam, quo perennior esset, certiorq; Successio, consentientibus Regni Ordinibus, lege perpetua inter Constitutiones Regni referendum curavit. Vltus itaque viguit perpetuus. Porro privilegia nulla extant vsui contraria. Nam Fridericus II. illud vnum indulget, ut Bohemiæ Principatus deinceps jure perpetuo (quod eousque non fuerat) Regnum foret; ac, si quando Successio intercideret: is demum esset Rex, qui à Statibus ritè eligeretur. Id ipsum Carolus IV. confirmavit, atque in Bulla Imperij aurea, cum declarasset: Electoratus omnes esse hæreditarios: etiam Bohemicum: id tamen amplius Bohemiæ concedit; ut, deficiente hærede, non devolvatur ad jus Imperij, sicut reliqui Electorum Principatus; sed Status sibi eligant in eo eventu Regem, qui à Cæsare tamen confirmari, & investiri debeat.


Adversus hæc omnia, contra vsum ita constantem, contraq; Privilegia, Sanctionesque Cæsarum, claras, atque perspicuas obtrudunt vnicum Georgium Podiebradium, in quo discessum est

à consuetudine, & ab Imperatorum Statutis; addo: à jure & æquitate. & nunquid vna hirundo faciet ver? & an vno facto præscribetur toti Regum. Prosapia? quod proinde statim correctum est, Wladislao in regnum vocato; qui ex Sorore Ladislai Bohemice Regis ortus erat. Et quando tunc præscriptio vim habere potuisset; & proinde Electivum jus ex vno illo actu erupisset: an non novo isti juri postea derogatum est: cum sub FERDINANDO. I. in Comitibus Regni communi suffragio constitutum fuit, vt juxta Caroli IV. Declarationem, & Wladislai dispositionem, & Ferdinandi I. posteriores Reversales, in Rege subrogando procedatur? Quod etiam inter Regni Leges adscriptum est, & postea diligenter observatum.


Vide jam, quam frivola Altera pars abdicandi Regem FERDINANDVM adferat causam: quod Is non fuerit arbitraria electione assumptus, sed quasi ex debito receptus. Et quisnam alius Bohemice Rex illo modo est electus absque jure sanguinis, præter vnum Podiebradium? At verò Nos, longè aliter pro FERDINANDO argumentamur. Nam primò: Majorem propositionem ex Regni Constitutionibus A. i. sumptam hanc præmittimus: Auream Bullam Caroli IV. & dispositionem Wladislai, & Ferdinandi I. Reversales, oportet observari; quibus omnibus statuitur: Regnum Bohemice esse hereditarium; non autem liberæ Electionis, nisi in casu, quo Hæres nullus est. Minor autem propositio conceditur ab Adversariis, quæ est talis: Acqui FERDINANDVS juxta prædictam Regni Constitutionem est assumptus in Regem: ergo est legitimus Rex. Subsume tu aliter: sed Intrusus Palatinus non est juxta prædictam Regni Constitutionem adscitus in Regem: ergo non est Rex. Tu dixisti: quia ille nō est Rex. Quem proinde admonitum esse cupimus, vt etiam atque etiam consideret, quid agat? quo jure, quorum suffragio involat in Regium caput; & quale id? & quantum? jure nullo; mera vi; suffragantibus seditiosis.

Secunda Causa

I V R A T V M R E G E M & coronatum abdicandi.

uod susceptio illa, & Coronatio, Anno millesimo sexcentesimo decimo septimo, viro adhuc Divo Matthia Cesare, peracta, artibus sit quesita & dolis: vocatis in subsidium perfidis quibusdam Patriæ & Regni hujus Proditoribus, donis & pollicitationibus corruptis, alijs gravibus minis eò adactis. Nihilò tamen secius, neq; id sine conditionibus factum est; quas nisi ipse impleret: Status ei nullo obsequio obstricti essent.

RESPONSIO AD SE- cundam Causam.

usceptionem & Coronationem Regis FERDINANDI II. non fuisse ritè factam probant Doli, Dona, Minæ. Hoc prætexit Causa proposita. Restat, vt etiam ostendatur: esse verum. Ex Confirmatione autem hujus causæ colligi possunt istæ probationes. I. Quòd, cum indicerentur Comicia propter Regem, inhibicum fuerit, ne in illis tractaretur aliud quidpiam: quod veteri consuetudini repugnat & Legi. II. Quòd propterea complures ex Statibus comparere ad tam insolentia Comicia gravati fuerint; quique adfuerunt, suffragia sua eò direxerunt, quòd hoc pugnet cum Libertate, Regniq; Privilegijs. III. Quòd incorporatæ Provinciæ ad Electionem non fuerint vocatæ: quibus tamen promissum erat, fore, vt in primis Comitijis decerneretur: An jus suffragij haberent, quod prætendebant. IV. Quòd Proditores Patriæ intenterint minas de vita ijs, qui dissentirent. V. Quòd

V. Quod Pontificij omnes ex Comitibus collecti fuerint, ut numero suffragiorum superarent.

Ad I. de Indictione Comitiorum, sic accipe. Ut Ordinariè in Comitibus liceat quoque alia proferre, præter ea, quæ à Rege proponuntur: tamen, ut nunquam possit secus fieri, ob justas causas: abhorret prorsus à ratione. Atque illud intelligendum est de Comitibus consuetis; non quæ ob extra ordinariam causam indiciuntur; præsertim talem, ad constituendum Regni Successorem. Quod vel solum negotium meritò sibi postulet Comiticia. Quod si verò aliqua forent, ipsam acceptationem Regis concernentia: hæc proculdubio in ferendis suffragiis afferri potuerunt: si autem Successionem non attinebant, & posterius fuerant tractanda: cur istorum omissio, atque in aliud tempus prorogatio debeat infirmare Electionem sive Receptionem Regis citæfactam? Quin formula ipsa literarum, quibus Regis causa fuere indicta Comiticia, Officialibus, Regniq; Consiliarijs ex utraque Religione prius fuit exhibita, probataq; ab omnibus, quam evulgaretur: & sumetur inde jam argumentum ad Comiticia ipsa infringenda?

Ad II. Quod propterea minus frequentes convenerint: ut ita esset: non ea certe ejus rei potuit esse ratio, quod Negotia post Electionem, alia non essent pertractanda. nam sola Successoris Acceptatio, plus satis præ negotijs omnibus ad conveniendum invirabat. Neque præsentès suffragia sua illuc direxerunt, ut censerentur: contra libertatem id esse Regni. Et quinam illi id fecissent, cum præcipui quique, etiam sub Utraque, quorum præjudicium ceteri sequuntur, formam illam indicendorum Comitiorum prius comprobassent, & intimandam judicassent? Et quomodo infrequentes adfuerunt: quando primarij omnes, & ipsi Directores, qui nunc reclamant, & quidquid denique erat nervi & auctoritatis in Regno, adfuerit tunc; & promptissime suffragium sit? Et cum qua tandem pugnat libertate, sive Privilegio, ut

Comicia pro solo Rege celebrentur, alijs tunc postpositis negotijs, quid hoc ad libertatem vel servitutem facit?

Ad III. De Incorporatis Provincijs ad Comitata non vocatis: est quod magnoperè admiremur. Nam cum Bohemi semper pro aris contenderint, nihil alijs juris esse ad eam rem: modo tamen, vt FERDINANDVS non videatur jure assumptus: vtrò illis jus concedunt, ad Regis subrogationē: & quoniam advocatae non sunt, quae nunquam suffragatae fuerunt: admissio Regis censenda est vel ipso facto irrita, vel certe irritanda. Sed quaso, promite; quis alius vnquam Rex à Bohemis ita susceptus est? An Matthias? An Rudolphus? An Maximilianus? an FERDINANDVS? an quis alius? Quòd si nullus; & illi tamen omnes, legitimi extiterunt Reges: cur vnicus modò FERDINANDVS propterea exauctorabitur? At Silesij moverant controversiam. Sed, nunquid fuerat adjudicata illis causa? Iussi erant proferre si quid haberent juris; designatique ad cognitionem fuerant aliqui: interea autem neque protulerant quidquam, neque probaverant. quonam ergo pacto vocari, vel admitti potuerunt, absque insigni Bohemici juris praesudicio? At, debuerant differri Comicia pro Rege: donec ea decideretur causa. Quamobrem ita? an non eo ipso plurimum juri suo Bohemi derogassent: si à Regis susceptione propterea destitissent? Immo, si saperent: vel propterea debuerunt Bohemi, illis posthabitis, ad subrogationem Regis procedere. Et quorsum tandem in FERDINANDI Regis praesudicium producitur nunc Silesia: cum ipsamet in suscipiendo illo nihil planè moverit, aut praetenderit ejusmodi: sed alacris & gratulabunda cum exceperit; Homagium, ex antiqua consuetudine, Regi FERDINANDO & haeredibus ejus praestiterit; omnibusque coluerit officijs? Nimis haec sunt frigida, & inania: vt idcirco FERDINANDVS non videatur jure assumptus.

Ad IV. Crescit Accusatio. vis illata est. ô diros scilicet Principes Austriacos, & violentas inferre manus olim assuetos. Arma-

to fortasse milite circumseptus Senatus, dicere debuit: **FERDINANDVM** Regem, si modò vellet vivere? At, non ipsi Principes per seipsos, sed per Patria quosdam proditores, vim intulerunt. Cur isti non producuntur? Parcitur nimirum famæ illorum à juratis & capitalibus inimicis. Saltem donis & pollicitationibus corrupti sunt suffragatores. quinam? non illi certè, qui pro tuenda fide Regi semel data iacturam fecere bonorum omnium, quibus haud dubie antiquior est Iusticia, quàm aurum: ut propter hoc non fuerint ab æquitate discessuri. Sed quid tandem vi, dolis, donis effectum est, per illos proditores? Ut reciperetur **FERDINANDVS**. Prò nefas! si hoc effectum: utique quod juris erat. Nam liberis Maximiliani II. renuntiantibus **FERDINANDO** quod habebant jus; & si qui alij aliquod prætendebant, pariter cedentibus: utique **FERDINANDO** Regnum Bohemiæ ex hereditate debebatur. Igitur, oportuit, minis & donis, obtinere jus? Quod, ut ita haberet: non tam **FERDINANDVS** accusari; quàm illi deberent, à quibus impetrati debitum officium non potuit, nisi intentata vi, aut excoactis artibus, vel non, nisi pretio, redimi. Dicam apertius: quoniam illa vis extiterit. Vis comperta veritatis: qua nihil fortius. Productæ sunt Regni Constitutiones, producta Privilegia tam clara & aperta: ut qui vel maxime ad versabantur, tam perspicua veritate compulsi sint (quam vis alicui inviti) **FERDINANDO** suffragari. Hæc est vis, qua consternati agnoverunt jus hereditarium **FERDINANDI**, eique subscripserunt. Postea verò, ut defectiorem suam quovis colore obregerent: commentari super Privilegia sua ceperunt, parum feliciter: ut ostensum est in prima Causa.

Ad V. de corrogatis Catholicis ex vicis & Cauponis: id parum ad rem: dum suffragari jure portuerint. Sed profectò, cum ex vulgari Nobilitate inter Catholicos pauci numerentur. præ A catholicis: in hos potius ista corrogatio convenire potest. Certè hoc


hoc argumentum ad evertendam Comitiorum auctoritatem valet nihil. Si in promptu essent nomina eorum, qui illis Comitibus subscripserunt: liceret ex Tabulis argumentari: at quoniam prae manibus non sunt, quaeremus ex ipsismet, utra fuerint celebriora, FERDINANDINE Comiticia, an Novi? In illis adfuere omnes utriusque Religionis Proceres, qui officio publico, vel auctoritate valebant; & consensere omnes cum eximia praedicatione laudum Regis FERDINANDI. At ab istis quot, & quanti Viri abfuerunt? & quanto in his minus libertatis ad refragandum fuit, quam in prioribus? Conscientiam cujusque in testem voco, dum libeat auscultare. Aptè illud in mentem venit Ennianum: O domus antiqua, quam dispari Domino dominaris! ubi vetus Comitiorum celebritas? ubi priscum decus? ubi Majestas?

Itaque FERDINANDI susceptio non prevaluit per partium contentionem; non ullum ibi suffragiorum dissidium ex discrimine Religionum; non isti illos numero vicerunt: sed una mens omnium, una vox, unum suffragium. quid ergo attinet, Catholicos ad calculum revocare: fuerintne plures ceteris? quam nec fuisse plures facile conijci potest: cum univèrse ceteros non adaequant multis partibus.

Eecce jam, quibus rationibus efficere volunt: Comiticia illa fuisse vitiosa; proindeque irritanda; & FERDINANDVM Regem, tanquam non rite admissum, excludi Regno oportere. Verum, neque jus FERDINANDI ex libera ipsorum Electione pendebat: & Comiticia rectè ac ordine peracta sunt. quae duo ita sunt evidenter demonstrata; ut praestitisset, nihil penitus ad excusationem facti sui adferre: quàm illud tam malè propugnare. Sed fortè, satis eis fuerit, imponere vulgo: cum oporteret in re omnium gravissima, suas actiones prudentibus maximè probare.


Tertia Causa

IV RATVM REGEM & Coronatum abdicandi.

 *U*od dictis conditionibus non steterit: sed Iuramentum Statibus præsinitum, & Reversales Provincijs à se datas, multifariam violaverit; quin immò vivo adhuc Casare Matthia, non tantum fascibus Regni sese immiscuerit; verum etiam, cum vivo, tum longè magis mortuo Casare, harum Provinciarum apertum hostem sese declaraverit: idq. eo sine potissimum, ut Christianam Evangelicam Religionem in ijsdem Provincijs eradicare; Status Regni, & incorporatarum Provinciarum libera Regis Electione, ut & alijs Privilegijs exuere; & sub jugum Hispanicum mittere posset. quo pacto semetipsum omni eo jure, quod à morte Casaris habere potuisset, destituit; & provincias à memorato Obsequio penitus liberavit. quemadmodum omnia illa iusto scripto Apolegetico, univèrso Orbi solidè declarabuntur.

Responsio

A D T E R T I A M Causam.

 *R*aves omninò accusationes sunt istæ. I. Quòd perjurus sit: non servatis conditionibus, & Reversalibus. II. Quòd se apertum hostem declaraverit, & præsiterit. III. Quòd Evangelicam Religionem extirpare voluerit. IV. Quòd liberam Electionem abolere. V. Quòd sub jugum Hispanicum mittere Regnum & Provincias.

Porrò, in probatione hujus tertie Causæ congerunt varia, quæ nos in ordinem redacta, ad singulas criminationes integre fide referemus.

Prima

Prima Criminatio. *Est perjurus: quod, inquit, conditionibus non steterit: sed juramentum Statibus præsinitum, & Reversales Provincijs à se datas violaverit.* Hoc ita confirmant: I. Quia Cardinalem Kleselium idcirco amovendum curavit. II. Militem, quem Goritia habuerat, evocavit: ac in Regnum immisit. III. in Moravia Comitij præfuit contra Regnum: & minis, ac lenocinijs extorsit tunc, ne Moravi suas copias jungerent cum Bohemicis; neve darent transitum per Moraviam auxilijs Bohemorum.

Adhæc sic habeto. Prima probatio levissima est. Cardinalis Kleselius ablegatus est ab Aula: ergo FERDINANDVS usurpavit Regni gubernationem. Quonam modo? nam neque FERDINANDVS ejus rei fuit præcipuus auctor: & Cardinalis nec membrum erat Regni Bohemiæ; nec ullum in eo gerebat publicum Officium: nec propter Bohemos ablegatus est. & tandem non id egit, si quid egit, ut Gubernator Bohemiæ; sed ut Princeps Austriacus, pro bono, ut putabat, publico, suæque Domus. Cujus facti non est alijs reddenda ratio. Nec secunda ratio est solidior. Militem Goritiensem contra Rebellantes Bohemos misit: ergo invasit Regni administrationem. Id ut ita sit, quod illum militem accersiverit. sane qui laborat pro recuperando Regno debito: neutiquam illud administrat, quod nunc dum possidet. Nec sibi illud quærebat. FERDINANDVS: sed Matthiæ. Alioqui etiam gubernatione affectasse dicendi forent, quicunque auxilia eam in rem contulerunt. Et, an inter juratas Conditiones erat, ut FERDINANDVS Inviçissimum Imperatorem Matthiam adversus rebelles, qui Regno illum exuerant, Dominatum occupaverant, Officiales Regios præcipites egerant, formam Regni mutaverant, atque in cœptis pertinacissime persistebant, ut contra hos FERDINANDVS Patrem, ac Dominum suum, non omni ratione qua posset, juvare contenderet? An non Matthias ipse juramento obstrictus erat erga Regnum?

goum? an propterea perjurus fuit, quod jus suum vindicare nitetur? Annon licuit FERDINANDO jurato Regi; præstare suam operam Matthiæ: vbi ille non juratus modò, sed possessorem quoq; Regni adeptus, pro jure suo justissime decertabat? & an non ipsi vicissim rebelles Iusturandum fidelitatis præstiterant, tum Matthiæ, tum FERDINANDO? & non erunt ipsi perjuri rebellando, vsurpandoque Regnum vi & armis; & tot illa mala perpetrando? erit autem vel FERDINANDVS, vel Matthias, compescendo seditiosos, atque eorum conatibus resistendo? Vana igitur prorsus isthæc sunt: vt propterea perjurij accersatis reum, sanctissimum, atque innocentissimum Regem vestrum, FERDINANDVM: cum quo simul, ac majore etiam jure, Matthiam ipsum involuitis. nam Reges vestri ambo, pariter devincti, immo Matthias amplius: & erit FERDINANDVS perjurus obsequendo Matthiæ: vbi iste non est jubendo? Furor mentē eripit, & contumacia abstergit pudorē. Tertia deniq; probatio similis est cæteris. FERDINANDVS præfuit Comitij Moravici nomine Imperatoris Matthiæ, & illius negotium promovit: ergo est perjurus. Si id recte: etiam illud: FERDINANDVS nomine Rudolphi præfuit Comitij Imperialibus, causamq; ejusdem egit: ergo vsurpavit Imperij gubernacula contra jus, fasque. At rogo vos, cujusnam Causam in Comitij promovere debuit FERDINANDVS Rex? vestramne omnis expertem æquitatis: an Matthiæ justissimam? privatamne rebellium: an publicam Regni?

Secunda Criminatio: *Est hostis Patriæ. Quia, ajunt, vivo adhuc Casare Matthia, non tantum fascibus Regni sese immiscuerit: verum etiam cum vivo, tum longè magis mortuo Casare, harum Provinciarum apertum hostem sese declaraverit.* Patientia profectò magna, opus est, ad ferendas ineptias: Sed obfirmemus tamen animum, ad sustinendum, patienterque audiendum. Probant Crimen, ex duplici capite; tum ex gestis sub Matthia, tum post illius obi-

cum.

tum: Ad prius ista pertinent: I. Post Coronationem Regis valde insolentes facti sunt Catholici: vt pluribus locis Evangelicos persequi, & exercitium Religionis ipsis impedire contra Diploma Majestatis aggressi sint. II. Tempa Evangelicorum clausuerint, & solo æquaverint. III. Homines innocuos gravibus & diuturnis vinculis vexaverint. IV. Statibus accessum ad Cæsaream Majestatem intercluserint. V. Conventus prohibuerint contra clarum textum. VI. Non vocatos in jus, nec auditos condemnauerint. VII. Quòd Iesuitæ de Regis Coronatione exultaverint, atque affirmaverint: Regem olim se jura mento obstrinxisse, nihil se vnquam Sectarijs concessurum. VIII. Quòd proditores Patriæ Cæsari demortuo persuaferint, vt nulla urgente necessitate, externum militem induceret contra Sanctiones Regni; & illud vastari passus sit. Quæ omnia probata FERDINANDO; quin consilio & operâ ipsius patrata sunt. Hactenus, ex gestis sub Matthia. At, si hostis FERDINANDVS, quia in talia consensit: quanto magis Matthias, qui præcepit? si tamen vel hic præcepit, vel ille suasisit, vel etiam ita facta sunt. Sed percurramus singula.

I. De Insolentia, qua Catholici protinus voluerint exercitium Evangelicorum sublatum, probant nihil. Nos contrà, experimur, sub brevi isto dominatu, Avitæ & Catholicæ Fidei vix restare amplius aliquod vestigium. Quippe haud paullò diligentiores ipsi sunt in extirpanda vetere Religione: quàm in promovenda, Catholici.

II. Mirum, quòd ausint commemorare templa: quando ipsi momento pæne omnia Catholicis eripuerunt! in quo si ita ex jure processissent, ac Matthias fecit: vtique nullum recepissent. Verum, ipsis quod vis nefas pro jure est: Catholicis autem nullum jus, nulla æquitas suffragari debet. Ac, ne dissimulare videamur, res ita habet. Edificabantur in fundis Ecclesiasticorum duo templa à subditis ipsorum contra fas, in iuris Dominis, atque repugnans.

gnantibus. Interpellatus Cæsar, mandavit: ædificationem tantisper intermitteri, dum res cognosceretur accuratius; aliudve statueretur. Nihilominus, fideles scilicet, Defensores Regni, promoveri opus jubent. Adjudicata est tandem causa, Fundi Dominis, id postulante justitia, templaque in eorum potestatem tradita. ex illis alterum, quod rude adhuc erat: visum est loci Domino, diruere, ipsismet subditis non abnuentibus. Hoc est Crimen sub Matthia patratū. propter quod FERDINANDVS, hostis Patriæ pronuntiatur. quid porro futurum; si FERDINANDVS regnante, atque mandante, templa illa fuissent legitimis Dominis adjudicata? vel si ab illo eversa? At neque FERDINANDVS quidquam egit: & postquam templa justis Dominis tradita fuerant, & desierant esse sub Vtraque: quid isti dolent, aut criminantur fuisse subversa? neque enim ipsis sed Catholicis perierunt: & ex illis vnum tantum; cujus non erat vsus, veteri templo adhuc extante. Itaq; non Evangelicorum templum dirutum est: quando eorum esse, jure desierat.

III. Porro ridiculum est, quod homines in pœnos vocant, qui mandatis Cæsareæ Regiæque Majestatis in negotio templi jam dicti rebelles extiterant: quodque ejusmodi vulgatum hominum custodiam minimè arctam, & paucarum hebdomadarum tantoperè exaggerant. Illud verè iniquum & crudele: quod tot Viros Venerabiles, atque Illustres vtriusque Capituli tum Cathedralis Olomucensis, tum Collegiati Brunensis, Prælatos & Canonicos, direptis eorum domibus, bonisque omnibus interceptis, ipso sex menses in vnam compactos domum dirè macerarint. Nam, quod Moravi faciunt, Domini probant Bohemi in Exitium fidelium Regiæ Majestatis: quorum crimen hoc est vnicum: fidem servasse.

IV. Hostilis animi argumentum promunt: aditus ad Cæsarem interclusos: cui? à quo? quando? & quid istud ad FERDINANDVM? Is videlicet agebat Cubiculi Præfectum. Annon

non potest, talia comminisci, ad Regem Clementissimum extorbandum?

V. Sed de interdictis Conventibus queruntur? quis interdictum? an FERDINANDVS? nequaquam. Cur autem interdictum? quia parturiebatur jam tunc infelix partus: quando mandata Caesaris palam contemnebantur, atque adversus illa, decernebatur. In quo periculo quidni Matthias Rex vetaret eos conventus, quibus seditio parabatur? atque hoc est crimen, quod à Matthia in FERDINANDVM transferunt, uti omnia odio fa.

VI. Si inauditus quispiam damnatus est: quisnam? qua poena? quid, obsecro, facilius, quam mille sic calumnias innocentibus struere? quando ne respondere, qui accusatur, possit, nihil nominatum producit, non solum probatur nihil. Prome, ostende: acrum demum referes responsum.

VII. Iesuitarum dicta nihil moramur. An tale quid de FERDINANDO affirmaverint, scripserintve, parum ad rem. Certè FERDINANDVS, si posset omnes ad suam fidem pertrahere, haud dubie pergratum illi accideret; quemadmodum & Evangelicorum unicuique, si rex Catholicis Vtraquistas reddere posset. Porro nunquam FERDINANDVS affirmavit, vel Iesuitæ de illo contestari potuerunt: nolle illum præstare fidem, si quando eam obstringeret, pro Libero exercitio Evangelicis permitrendo.

VIII. Arma Bohemiarum illata postremum sunt hostilis animi argumentum. Certè hostili animo illata non sunt; sed quando Paterna non juvabat Pietas: oportuit disciplinam adhibere. Et utri se prius armarunt, an non rebelles? Nec quidquam magis obfuit læsæ Regiæ & Imperiali Majestati, quam mora; & diu frustra expectata facti poenitentia. Illud verò est longe facetissimum:

HISTORIA quod

quòd Proditores Patriæ, nulla urgente necessitate, tuaserint Matthiæ, ut in Bohemiam militem induceret.

Armati Vos eratis contra Regem vestrum, susque deque Regnum verteratis, & dabatis interea Regi tantum verba: dum vos majoribus præsidij firmaretis, & tamen nulla urgebat Regem necessitas, cur obviam iret conatibus seditiosis? Et quorsum infestum nomen proditorum toties ijs affingitis, qui nihilo vobis peiores, atque hoc etiam meliores, quod juramenti sui memores, maluerunt cum bonorum omnium iactura grave exilium sustinere (ac etiamnum sustinent) quàm communicare operibus infidelitatis ac perduellionis? Facessant igitur contumeliæ; & ratione, si qua subest, res agatur.

Sed fortasse, quæ post Matthiæ Augusti mortem felicissimæ recordationis, FERDINANDVS patravit, (quod est alterum probationum caput) quando non amplius excusari per Matthiæ mandata potest: talia sunt, propter quæ meritò hostis Patriæ declaretur? Ea verò sunt farinæ ejusdem: immò ridicula.

I. Quòd exercitum Matthiæ juramento sibi obstrinxerit. At cuinam alteri oportuit? scilicet dimittendus fuit: & FERDINANDVS Bohemis in manus tradendus. Quem & comprehendere postea bis conati sunt, in glorio non minus ausu, quàm eventu.

II. Auxit Exercitum auxilijs Hispanicis. Malè id eos habet: quia sperassent alioqui, Regem FERDINANDVM Viennæ cinctum in casses suas pertrahere.

III. Exaggeratur sævitia militum, quasi Rege auctore omnia perpetraverint. Quicumque FERDINANDVM novit, quamvis inimicus, de testabitur calumniam. nihil illo Clemētius! nemo à corde, strage, vastatione, quàm ipse alienior! Sed præstare Rex damna non potest: quæcunque per insolentiam militarem fiunt. & quando non aliqua ejusmodi in bello fiunt? & an idcirco non verebuntur subditi, Regem suum pro hoste habere; & palam

Scri-

19

Scriptis editis proclamare, immò exaudivere? ô tempora! ô mo-
res!

IV. Rursum in Proditores declamatur; & quòd vivere si-
nantur, Rex ipse proditor est. Homines fideles, extrema passi cau-
sâ Regis, nec excipiendi hospitio ab illo fuerunt. quid ita? sunt
proditores. Regem sanè illi non prodiderunt. At Patriam? an-
quia illam reliquerunt: quam, salva fide, incolere non poterant?
Agunt pro vendicanda ex manibus rebellium, & sub Obedien-
tiam sui Regis revocanda. Hoc si crimen est, si proditio: quæ erit
dicenda fides? quæ justitia?

Tertia Criminatio. Est persecutor Evangelij. Nam, cùm di-
xissent in tertia Causa: FERDINANDVM seipsum declarat-
se hostem: subiiciunt: Idque eo fine potissimum, ut Christianam
Evangelicam Religionem in iisdem Provinciis eradicare posset.
Non est hoc loco nobis disputandum: quanam verè sit Christia-
na Evangelica Religio: sed demus ea cognomenta ijs, qui ita inli-
gniri volunt, ut honesta compellatione ab Ecclesiâ Catholicâ fi-
lijs discernantur. Quanquam velim ex te scire, O Bohemia,
quam tu Evangelicam voces Religionem? Haud dubie, quam ty-
pis excusam Novo tuo obtrulisti, Bohemicam Confessionem. At-
qui ille longè aliam tibi obtrudit, penitusque contrariam. Cedo
igitur: pro quam pugnas? quam tibi sanctam tectam cupis? Sed
ad rem. Evangelicæ Religionis persecutorem esse, FERDI-
NANDVM asseverant; proindeque regno indignum.

Principiò: FERDINANDVS non potuit hactenus per-
sequi Evangelicos in Regno Bohemiæ. At fecisset, si licuisset.
DEVVS certè ex illis, quæ facturus homo fuisset, neminem dam-
nat: sed ex eis tantum, quæ fecit, nunc autem reus agitur FER-
DINANDVS, & persecutor pronuntiatur: quia facturus fuisset.
Sed demus etiam istud, reijci potuisse, quia persecutus erat
Evangelicos: negamus autem, id facturum fuisse. Nam à decessu

Matthiæ Augusti paratum se statim exhibuit confirmare literas
 Majestatis per omnia: ejusque rei publicæ extant Testificationes.
 At, non fuit eis fides adhibenda: mentitus est. Appello Monar-
 chas, quotquot sunt. Itane Regia dictorum, paſtorumque fides
 impunè proſcindetur? At, ex Styria adjunctisque Provinciis ab-
 legavit Evangelicos Pracones, jam tunc juvenis. Fecit: quia non
 se obſtrinxerat in ſua Inauguratione ad eos retinendos: imò diſer-
 tē exceperat: quia Provincias hæreditarias noluerat nova hac ob-
 ligatione eſſe obſtriſtas; ſed, ut olim, liberās. Videbat etiam: reli-
 quos Imperij Principes arbitrato ſuo Religionem propinare ſub-
 ditis: nec ſe peſoris conditionis exiſtimabat: vel etiam erat. Quan-
 do autem Bohemis Evangelicis promittebat facta tecta, quæ prio-
 res conceſſiſſent: nihil erat, quod vererentur. nunquam enim pro-
 miſiſſet: quod præſtare, in animo non haberet. Quod vero atti-
 net ad illius Zelum, quem pro Orthodoxa & antiqua Fide gerit:
 nihil eſt, quod reprehendi jure poſſit. Nam & Paulus, cum apud
 Agrippam Regem peroraſſet; & Rex eludens dixiſſet: In modico
 ſuaſes, me Chriſtianum fieri: Paulus ſubjunxit: Opro apud DEVM,
 & in modico; & in magno: non tantum te, ſed etiam omnes, qui
 audiunt; hodie fieri tales; qualis ego ſum: exceptis his vinculis.
 Nam conſtrictus cauſam dicebat. Ita FERDINANDVS, &
 in modico, & in magno optat, vos omnes eſſe tales, qualis eſt ipſe.
 Catholica nimirum Eccleſiæ filius: cujus & fuere Majores veſtri,
 ex quo coeperunt eſſe Chriſtiani. Nam Sanctus Methudius ve-
 ſter Apoſtolus, ſub aſpicio & obedientia Pontificis Romani præ-
 dicavit vobis Evangelium, quod accepiſtis ab initio, & in quo uti-
 nam ſtaretis! Verum, ut maxime cupiſſet FERDINAN-
 DVS, tales vos eſſe: non ideo vel datam ſemel fidem ſeſelliſſet
 vel attuliſſet vim: quali nunc nova Electi aſpicio conſecrantur, a
 demolitione ſacrarum Imaginum, ipſius etiam Chriſti Salvato-
 ris noſtri; ab effoſſione Sanctorum cinerum; a direptione Eccle-
 ſia-

fiarum; ab occupatione bonorum Ecclesiæ; à contemptu omnis pietatis. Quòd si talia in Evangelicos FERDINANDVS perpetrasset: vix etiam tunc de illo acerbius pronuntiare potuissetis: quàm nunc pronuntiatis. Hoc verò est persequi Religionem; atque in Regnum non vsque adeò hætenus depravatum, excidium omnis Religionis inferre. Et pateris adhuc Bohemia? Decepta es, & sub specioso Calicis obtentu, propinatum tibi est genus omne perfidiæ. Ingemiscis haud dubie: sed premeris. Neque hic malorum finis. Veniet tempus, nisi expurgiscaris, vt super te, Praga, lugubre illud occinatur. Quomodo sedet sola Civitas plena populo? Viæ Sion lugent: eo quod non sint, qui veniant ad Solennitatem. Omnes portæ ejus destructæ. Sacerdotes ejus gementes. Virgines ejus squalidæ: & ipsa oppressa est amaritudine. Verùm in hæc nos dolor abripuit.

Et, nunquid propterea FERDINANDVM, tanquam adversarium tuæ Religionis abjecisti: vt illius planè Everlorem tuis cervicibus imponeres? Perfidiane erga legitimum tuum, Principem mercanda tibi fuit tuæmet, atque omnis Religionis abolitio?

Quarta Criminatio. Est Everfor Regni Libertatis. Pergunt enim dicere in tertia Causa: *Vt Status Regni, & incorporatarum Provinciarum libera Regis electione exuere possët.* Nemo exuitur veste, quam non habet. at, quod modò prætendunt aliqui ex Statibus (non Regnum ipsum) liberæ jus Electionis: habuerunt nunquam. Consule dicta ad primam Causam.

Quinta Criminatio. Est Oppressor Regni: Voluit, inquiunt, sub jugum Hispanicum mittere. Immo contrà: avertit, ne Hispanus (quamvis alioqui Austriacus) quod prætendebat, jure possideretur. Et sperandum tibi est, Bohemia: ex hac felici Stirpe, in multa secula nunquam fortunata Germina defutura.

F I N I S.



